


慶湖遺老集

下



慶湖遺老詩集卷第五

近體詩七十二首



雨餘晚望 熙寧丙辰五月臨城賦

相應乳鳩鳴桑間返照平明津小舫度高隴一牛耕林藪
歸心健塵埃病骨輕屈騷視奕在末許獨君清

自訟 元豐戊午年六月滄陽賦

朝聽明鐘出暮隨衙鼓歸朝々復暮々是々與非々跡寄
升沉路言投禍福機何窮百年事端使一心違

待曉朝謁天慶作 己未下元滄陽賦

望曉謁琳宮荒庭霧氣濃曾陪羽林仗如待景陽鐘薄宦
情無幾勞生夢不容樵朋與漁伴他日會相從

送李易初還汶陽 癸亥正月彭城賦

客宦愴離羣徐方復得君青衫初試吏白面頗能文畫舸
浮春水清樽醉舞裙他年會相訪分卧北山雲

重送 張澤樂郊皆汶陽遊燕之地

夾岸雪初消青見麥苗傳聲汶陽客已解木蘭橈春水
生張澤春風動樂郊良遊知不負回首念無聊

春書 癸亥二月彭城賦

新蠶經浴罷舊燕未來前吏局坐如夢物華行可憐藻生
南浦鈎雨足東臯田故國負歸約塵埃年復年

擬溫飛卿 甲子七月彭城代王文舉賦

露網朱甍上風簾翠鎖前宿衾薰菖菡朝鏡拂漪連津潤

銷金筆香依撲粉綿度間雙陸子撥恨十三絃鸚鵡殷勤
語旃檀委曲烟鮫綃乾玉筋魚鑰限金蓮團扇洲桃葉烏
絲代杏牋朱門長宵白馬自翩難釣三株樹徒拋七
寶鞭酒闌應有待夢破即無緣信鵲新秋去孤蟾後夜圓
浪言墻外地的是洞中仙

快哉亭朝暮寓目二首

夙起喜舒曠徑趨城上樓初陽動禾黍積雨失汀洲水牯
負鳴鶴山樞懸枯萋坐慙真隱子物我兩悠

積潦際危堞登臨西照中苔衣冒白羽槐蔭懸青虫不淺
胡床興無多團扇功目窮猶起羨演漾一漁蓬

題張氏白雲莊 彭城張謀父居泗洲之東山耕田

數百里中擇爽塏列樹松竹結茅其間榜曰白雲莊
甲子九月置酒招余與寇陳王李子酒酣賦余得雲
字

江左陶徵士高風昔所聞應慙五株柳難比一溪雲我有
乘桴約君方植杖耘悠々竟何得晚歲盍同群

賦得枕上聞鴈 用天字甲字冬至日寇元弼席上
賦

朔吹飄驚鴈寒聲徹枕前遠遶沙漠雪不下汶陽田客夢
悲中夜歸期隔故年莓苔與菘米何處是湘天

和人遊白雲莊二首 乙丑正月晦日與余鄉段詢
慎從李成父寇元弼步出彭城之上洪門泛舟訪張

謀父於白雲莊晚歸皆被酒段集古人句成二首示
同遊余因走筆和之以送謀父後旬餘慎從感疾物
故張復出是詩使人泣歎彌日

原野正春風登臨一醉同陰晴時未定今古思何窮山勢
落還起溪流噎復通隱君方自得可羨爾冥鴻

可愛白雲翁前溪樣釣蓬耕樵一逕下井臼四鄰同倦宦
終何得餘生寄此中預煩多種秫毋使酒盃空

早夏 乙丑彭城賦

吏役初無補端令樂事妨不知春逸去但愛日何長薄雨
梅含核温風麥擢芒須容退食暇一枕夢吾鄉

辭酒 乙丑正月彭城南臺席上賦

魯酒一樽薄吾愁萬斛多塵埃斬馬劍涕泗飯牛歌解肉
生如許顛毛黑幾何功名可復道身世兩蹉跎

送陳傳道攝官雙溝 乙丑六月陳發彭城棧舟漢

祠下者累日余方抱疾不遑出餞因賦是詩

弭楫想登臨間雲護日陰青蒲泗水濶古木漢祠深應醉
盃中物誰聞澤畔吟禪坊養痾客輕別若為心

遊滕縣時氏園池 乙丑八月賦

珍重西園主開門待子猷城隅樹交蔭樓下水通流鳴鶴
鳴深竹蜻蜒駐小舟可能忘夢想塵土滿徐州

自鄆還徐道中 乙丑八月賦

八月過新雨行雲弄晚涼山川乍明晦禾黍半青黃西去

真何事東還非故鄉悠々塵土裡無路不亡羊

早發王村道中寄李智文 乙丑八月賦

鷄鳴戒徒御驅馬度前陂得雨人耕早邊山日上遲罷休
何復道會合邈無期賴有西來水悠々慰我思

暮投葛墟馬上 乙丑八月賦

旬浹走千里塵埃如有緣慙無季子印可換洛陽田廣澤
鴈行去荒山兩脚懸長停猶未見疲馬不勝鞭

汴渠夜泊示畢紹彥祖 元祐丙寅二月永城賦

耿々度中夜浩歌誰與酬屋頭風卷岸枕底浪澎舟春物
行飄忽鄉心久滯留須明投吏部一醉驛西樓

丙寅舟次宋城作

水館兩邊村登臨奈斷魂黃花開小徑紅粉哭高原舟楫
途新火松楸老故園斜陽一千里依約是蘇門

京居感興 丁卯正月賦詩領將作屬

為問長安客何人識要津長持一馬箠浪走六街塵城闕
烟中曉闕河雪後春故園桃李在樽酒願相親

玉津晚歸馬上 丁卯清明京師賦

落日南城陌東風禁火時醉醒皆自得單袷正相宜綠樹
侵高閣繁花洒曲池未應判節物可奈故園思

西城有懷舊遊 丁卯七月余以將作屬日至瓊林

金明督察營繕偶懷陳迹惘然因賦是詩

西郭天泉里依一得舊遊綺羅紅芰曉絲管萬蟬秋柳礙

鞦韆陌萍沉襖袂舟華年勿復道誰為駐東流

苦竹村南馬上 戊辰四月晦日歷陽賦

楚澤薰風後林皋夕照間漁船沿綠岸鳥道轉荒山久負
盃中樂長偷馬上閒悠悠白門路何日杖藜還

題諸葛硤田家壁 地名諸葛亮硤在烏江北八十

里與江南石頭城相望戊辰九月賦

晚度孔明硤林間訪老農行衝落葉逕坐聽隔江鐘後舍
燈猶織前溪水自春無多遊宦興卜隱幸相容

訓桂林從叔 戊辰十一月歷陽遣還使賦

江到三湘盡八圖八桂深龍蛇寒下蟄霧露晝多陰迢遞
馳梅信殷勤訪竹林淮南風土美留滯亦何心

寄金陵倉官趙令冕通直 趙諸王孫戊辰十二月

歷陽賦

歲律修云暮王孫興可堪羨雲歸日下隨岸滯江南卑濕
求長健登臨賴半酣西州眼中近早晚寄華絨

懷寄潘孝本兼簡其子言 潘字景仁時宦遊嶺外

己巳正月歷陽賦

春色生梅嶺秋聲後桂林溪通五羊險雲近九疑陰無雁
難逢信有猿能伴吟一樽燒酒美應對阿戎斟

送張商老西上

張名夢臣吳郡人己巳九月歷陽

賦

霧氣歛波澤鼓聲催客航蒹葭靡風露鶴鶴盤朝陽行役

自茲遠離愁安可忘黃華一樽酒何處望吾鄉

題烏江東隆山鄧氏亭

己巳九月賦

逋客今何許空餘接隱亭舟隨潮水上門背夕陽扁兔策
塵生蠹漁蓑雨化螢題詩巖下石聊代草堂靈

登烏江栢子岡懷潘景仁

己巳十月賦

驅車栢子岡引首東南望孤戍帶寒日長江流大荒故人
越五嶺旅雁留三湘好待春風暖相隨還北鄉

宿黃葉嶺田家 己巳十一月烏江縣賦

聚落荒山裡畬田歲不登牛衣障隙雪鼠穴見鄰燈愁信
魚難暝寒凝酒亦冰悵然歌白石推枕待晨興

遊六合定山真如寺

達磨第一道場己巳十二月

賦

隻履西歸遠何年此布金地寒蒼檜老歲晏白雲陰燒隔
溪水斷樵穿徑雪深祖心無處問俗駕晚駸々

同道通師之香林馬上 庚午正月歷陽賦通喜為

詩從吾遊甚久

冰霜節候遲淮楚早春時白草風頭急黃雲日脚垂烏聲
投古戍馬力倦長波吾有官箴畏勞生爾浪為

題烏江邱氏昆仲歲寒亭 植栢亭下故命是名庚

午正月賦

新甫移根遠蒼然對兩翁閉門三尺雪仰枕一亭風東郭
顏何厚西來意莫窮未應輸狹少釀酒待春叢

送左禹赴江夏尉 左字塗史庚午四月烏江賦

汎々青翰舟亭々黃鶴樓江山信清灑人物想風流美酒
遣歸思新詩題舊遊有魚知不食端作置書郵

高望道中 庚午五月烏江賦

積雨漲陂塘田塍揮晚秋遠山宜薄暮高燕弄微涼馬草
非吾願漁飡饜此鄉歸期知近在猶待菊花黃

湯泉道中 庚午七月烏江賦

青石岡西下靈泉產藥苗山英如有待木客可相招蟬帶
風移樹塵隨馬度橋颺鞭吟舊句歸路不知遙

留別王掾元晉 庚午十二月歷陽賦

之子貫東年青衫試宦遊顛非小賀比葵自阿戎流未即

芸香拜俄先瓜戌秋孤蓬別夜思霜月滿滄洲

樣舟當利口待風累日懷寄城中朋遊二首 庚午

十二月歷陽賦

一葉寄津口怒濤安可乘朝風占酒旆夜爨乞漁燈牛渚
逢新月秦淮想結冰故人他夕夢歌吹滿金陵

離憂不可解罷酒獨登臨潮落空江濶雲繁歲晏陰愁鴟
守漁罟怒犬突神林觸目增悽斷耶為澤畔吟

重別王掾 庚午十二月六日自歷陽當利口放舟

至沙夾王元昏載酒旋訪別因留宿不發重賦此詩

以贈

別訪難遠了不知寒夜長回燈撤盃案抱被宿船倉載聽

遠鷄唱稍分征雁行臨風滿掬淚吹落一衿霜

投宿清涼寺 庚午十二月望日自秦淮亭信馬出

石城門賦

建業衣冠集秦淮舟楫屯東西萬里客朝暮兩潮渾何處
契心賞片時清耳根僕夫浪見問但出石城門

金陵懷寄歷陽王掾 庚午十二月賦

征虜亭邊路望夫山下舟長江不隔夢明月祇供愁促席
歌塵斷開窓醉墨留惜芳橋畔柳誰繫木蘭舟

秦淮夜泊 辛未正月賦

宮柳動春條秦淮生暮潮樓臺見新月燈火上雙橋隔岸
開朱箔臨風弄紫簫誰憐遠遊子心旆正搖々

鍾山法雲彥上人留中飡罷遊草堂寺 寺即周

故居辛未正月金陵賦

弭楫秦淮尾登臨殊興迴難銷蔬飯飽更過草堂來日轉
出扉暝風披蕙帳開吾非海益令猿鳥莫相猜

訓別法雲彥上人 辛未正月金陵賦

將別雁門師殷勤訪所之江湖懷北關鷗鳥戀南枝朝隱
非吾所山英不汝欺明年冬下約春水漾蘋時

易官後呈交舊 辛未九月京師賦

當年筆漫投說劍氣橫秋自負虎頭相誰封龍領侯聊辭
噲等伍濫作詩家流少待高常侍功名晚歲收

辛未興龍節日懷歷陽王掾元胥 昨歲是日余解

舟渡江此詩京師賦

昨歲東溪口扁舟欲下江往愁燈映幔欺睡月侵窻漫寄
書連紙誰同酒一缸何當見之子聊使我心降

廣津門東馬上 壬申二月京師賦

津頭落帆鼓薄暮尚蓬鬢疑是秦淮口扁舟醉夢中不堪
隋岸北塵土一鞭風傳語端能否伯勞飛自東

久病寄二三親友 壬申八月京師賦

早昧攝生理百勞戕至真藥靈翻佐病詩癖竟窮人終負
黃墟恨長違白首親一囊安可得四壁未應貧燈下塵編
淚風前墓草春儻忘鷄酒設腹痛勿多嗔

秋夜間雨晨興偶書 癸酉八月京師賦時欲扶疾

東下

故國心馳北扁舟計漫東寒生一夜雨病涉兩秋風落泊
籬根葉幽憂屋角虫何情悲節物聊自况衰翁

謝米雍邱元章見過 米名芾癸酉八月京師賦

今古兩妙令雍邱與太邱當時號青白後日想風流吏
庭陰午農歌野色秋吾非荀氏老愧爾德星留

留別米雍邱二首 米辨博有才具著山林集數十

卷為人知者特水滄書學而已清狂多忤嘗上章援

余祠吏之請不報輒已因以激之癸酉十月雍邱賦

明缸通夜語累塊馮胸中水癖推劉令書名洸魯公忘猜

悲廩鼠逐熱賤雲鴻不乏佳山水東南著兩翁

好在楚公子山林何處逢官身須自乞俗眼可相容叔夜

嬾猶鍛伯鸞傭且春多慙方祿隱爾汝傲吳儂

寶應野泊 癸酉十二月賦

伏枕漳濱後維舟楚澤邊筋骸非壯日節物迫窮年夜雨

侵牀漏晨炊 鼻烟勞生我其分十口亦飄然

題甘露寺淨名齋兼寄米元章 米舊嘗居此齋中

戊九月晦京口賦

日出天垠露江橫地軸分馳年悲落木羈思託孫雲重掃

淨名室長招漫仕君悠々德璋輩未辨動移文

龜山晚泊 乙亥二月賦

春候半寒溫維舟淮上村長林補山蹇青草際潮痕久厭

浮家役重招去國魂禪房欲舒寫烟雨促黃昏

歲暮舟居卧病懷寄金陵和上人 乙亥十二月盱

貽淮上賦

野泊歲云莫念歸期正賒津童為過客商舶是鄰家雪密
魚依罾潮回蚌委沙南州人健否不寄早梅華

寓泊臨淮有懷杜修撰 丙子二月賦杜公名紘去

歲總漕於此屢開燕寶訓堂

幕卷歌鬟列堂深密炬然臨風鳴羯鼓待月戲鞦韆短韻

吟牋出長簷醉帽偏斯人遠薄俗何減孟公賢

舟發金陵望歷陽作 丙子四月賦

尚識歷陽道依然西照間風烟石磧戍林麓楚王山隔水

一凝佇當年百往還誰憐躍馬客衰病再投閒

江行寫望 丙子四月當塗道中賦

斜照侵疎箔微涼逗小窓青蒲故依渚白鳥屢橫江遣興

詩三百煎愁艣一雙前舟定未遠疊鼓聽逢

郎官湖 按李白詩序云乾元歲流夜郎遇故人尚

書郎張謂使夏口沔州杜太守漢陽王令觸于江城

之南湖張公四望超然請白標之嘉名白因號之郎

官湖席上文士輔翼岑靖以為知言今所謂郎官湖

者占郡城之北束于兩山間縱廣百步許固不足四

望而起然也已知其非是且郡南瀕江之人持南唐

時地券尚指郎官湖為隣蓋湖為江水所并而去城

里餘猶有洲渚隱然未泯乃湖之故防也余丙子五月舟次沔陽求訪遺老始得其詳因賦此詩志之

當年賢守令載酒沔南遊涼月呈新霽明湖涵素秋郎官夏口使仙客夜郎囚促膝青螭舫連觴紫綺裘高驪隨雨散餘編想風流芳草失青履滄波浮白鷗江吞百頃盡石刻一篇留宜有沉碑者前懷陵谷憂

題寶泉官舍壁 寶泉監在夏郡城東三里黃鶴山

之陰丙子八月到官後賦

偶著強名字非才但鑄金不妨稱外監况復住山陰勝日聊披卷清風故解衿餘生偷祿隱何等是升沉

江夏寓興二首 前篇丙子十二月賦後篇丁丑五

月賦

風與檣鳥便儂先塞雁來山經七澤斷潮自九江回漁父猶知隱騷人枉術才朋遊正相遠梅信為誰開 陂湖蹙坊市江漢復縱橫沮洳莎城沾晴暘竹瓦鳴新文 添鵬賦異味識鼃羹豈復悲流落官糧寓此生

九月十日寄潘邠老 丁丑江夏賦潘嘗許中秋重

九渡江見過竟不至因以謂之

明日昔如許懷人殊可來徒歌桃葉曲又負菊華開尺紙絨愁去扁舟載夢迴他年鷄黍約千里信悠哉

送蒲圻陳主簿彥昇歸越 陳字登之丁丑十月江

夏賦

好在稽山北因君訪故園風流久衰歇湖水自清渾可得
千秋觀相傳百代孫時聞祖道客不減漢東門

送金壇慎令璫 戊寅二月江夏賦慎字獻玉年少

寡欲奉佛甚嚴

清素復多聞天涯晚得君相延蒲塞饌細演貝多文世味
淡如水身謀散勝雲謾為花縣約聊慰此臨分

寄題盱眙杜子師東山草堂 丙子二月臨淮賦偶

亡之庚辰十月再道臨淮復得於子師因附卷末

東山與物遠松竹蔭茅茨信有冥鴻志難藏霧豹姿會招

安石起何患德璋移後日嵩扉下遊人想履綦

慶湖遺老詩集卷第五

慶湖遺老詩集卷六

近體詩長句上五十首

上已有懷金明池遊賞 熙寧乙卯臨城賦

西城小雨宿塵消春水溶溶拍畫橋拾翠汀洲白蘋發披
香宮殿紫雲高綵舟日晚綺羅醉油幕風晴絲管焦俠少
明遊應念我一年佳賞負今朝

贈張士元 張字善長善為詩丙辰十月臨城賦

夫子安貧五十年來生事更茫然青衿稚子彼何有白
首故人誰見憐霜後鶉衣寒綻線日高魚釜凍無烟冗官
猶愧蘇司業不得時時送酒錢

雨晴西郊寓目 丁巳五月趙郡賦

城中厭雨過清和偶出西郊野意多蠶簇趁晴初摘繭麥
場經潤欲生蛾營巢黃鳥啼深樹引犢青牛飲暮河老圃
念人留竚久挽衣沽酒願相過

寄周文清

周時流寓海陵了已八月趙郡賦

節物驚心不我留故人相望海邊州芟荷老盡池臺晚鴻
雁來多雲漢秋誰共清樽尋樂事獨將長幅寫離憂明年
芳草青門道好試青衫伴俠遊

寄王岐

王鉅野人黃州曾孫熙寧初京師朋遊也

字夷仲戊午滄陽賦

未從名宦兩蹉跎可但詩狂與酒魔紫陌塵埃日馳逐青
樓燈火夜經過當時豪縱年方少今日踈慵病更多唯見

凭欄復歌枕往來方寸奈情何

和答鄭郎中見寄

鄭臨城人名淵字鄰幾登進士

第仕至職方郎中年垂七十即謝事居近泚水自目
為泚川逸老性嗜詩雖老不廢與余誦唱累數十百
篇既來滄陽復有詩見寄因和答之余詩用它人韻
者皆不取特錄此篇欲見斯人於集中耳時元豐己
未重陽日賦

客子由來懷故鄉蘇門冷落白雲旁夢隨夜月鐘前斷詩
入秋風草共荒操板鎌靴遊宦歇開樽揮塵舊歡長泚川
逸老應相念為倚欄干向夕陽

和田錄事君義詠雪

己未十一月滄陽賦

千里龍沙失舊荒
四來雲物助蒼涼
直疑見月應無影
未必因風始解狂
枉費鉛華楚女不禁湯
餅試何郎回中
自是人間世
怡悵龜臺去路長

和田錄事新燕 庚午三月滄陽賦

新巢故國兩依依
似與春華秋葉期
雨過池塘得泥近
日高臺榭卷簾遲
鞦韆節後初相見
被襖人歸有所思
雙侶多情擬憑杖
小牋封就碧雲詩

冠氏縣齋書事寄滄陽朋遊 魏之西園在滄陽南

漳水上辛酉四月賦

小閣燒香麝煎濃
翠苔庭院綠陰風
卷簾燕自雙飛去
歌枕人方半夢中
秋鬢先於懷縣令
春愁多似義城公
西園

酒伴無消息
欲寄魚牋水自東

冠氏寺居書懷 辛酉五月賦

古刹荒涼晝掩門
鳴鷄吠犬接西村
窓間自記曾歸夢
樓外誰招欲斷魂
漫賦新詩題琬琰
少逢佳客佩蘭蓀
更堪愁肺經春病
負爾商歌酒一樽

題彭城張氏放鶴亭 有石刻蘇眉山製文唐之

陽春亭故址在徐城之東薛能尚書有詩見集中壬戌九月賦

曾見君家亭上碑
東望風月動閑思
昔無卜築如相待
今遂登臨是不期
萬頃白雲山缺處
一庭黃葉雨來時
許昌應負重泉恨
當日陽春枉賦詩

九日登戲馬臺 壬戌彭城賦

城中霧雨曉冥，坐失城頭百尺亭。行樂固知非我事，苦吟猶得有君聽。未應白髮饒新貴，任使黃華咲獨醒。異日肯尋鷄黍約，太行長遠故園青。

題彭城南臺寺蘇眉山詩刻後 癸亥十月徐之走

卒還自京師誤傳蘇黃州被召南臺寺公舊題數詩

先摹刻諸石因賦此書其左

秋風幾度老江籬，島水眉峰隔夢思。下走誤傳宣室召，上前誰進子虛辭。東坡麋鹿同三徑，西掖鸞鷺占一枝。獨有野僧違一俗，翠珉新勒舊題詩。

春懷 甲子二月彭城題

東風吹雪陰復晴，西日冉冉林間明。著水苔衣漸涵綠，向陽竹鞭初引萌。官糧得飽酒不足，春物有意人無情。馳書相謝五陵俠，汗板塵鞞今半生。

登快哉亭有屬 甲子三月二十五日登快哉亭偶

聞舟中吹楊葉者有懷京師昔遊因賦

南浦東風拂水文，汀洲芳草綠羅裙。桃花舊葉應相望，楊葉新聲我獨聞。酸鼻可憐香欲絕，斷腸不待酒初醺。斜陽歸去書窓下，一幅蠻牋賦夢雲。

和彭城王生悼美人賦 賦：馬氏善書染死葬

南臺即鳳凰原也生賦詩十篇因和其一 甲子四月

望

東園花下記相逢倩眇偷回一咲濃書簾尚絨香豆蔻鏡
奩初失玉芙蓉歌闌燕子樓前月魂斷鳳凰原上鐘寄語
虞卿謾多賦九泉無路達魚封

臨返亭送客還馬上作 甲子九月彭城賦

哀、塵埃與願遠可堪持酒送將歸壯心已服駑駘老羈
思常先鴻雁飛十口無歡太倉粟四鄰分采故山薇何時
偃卧柴桑里自訟淵明昨日非

送陳傳道攝雙溝戍商稅 乙丑六月彭城賦

墻外長川擁萬舟門前山色入南州風來浦口客爭發日
下庭陰印未收乍厭折腰從吏役屢應回首念朋遊病夫
頗有東流興預約清樽為少留

送彭城周主簿建中移黃縣令 周字元通乙丑七

月賦余方抱疾

客宦逢迎泗上州酒籌詩卷慰淹留九層燈火偃玉塔四
面溪山彭祖樓此去君辭棲棘地年來吾有負薪憂終期
一過河陽縣相對春風話舊遊

寄題狄邱李偉官舍東齋 李字子微新葺東齋成

有書求詩因次書中語以題之乙丑七月彭城賦

樹竹開窓小屋東低簷却日竹通風長年馳騫欲何往終
日退藏於此中未厭睡魔常有在若思人事即無窮躬耕
不是悠悠計來作蘇門隣舍翁

病後登快哉亭 乙丑八月彭城賦

經雨清蟬得意鳴
征塵見處見歸程
病來把酒不知厭
夢後倚樓無限情
鴉帶斜陽投古剎
草將野色入荒城
故園又負黃昏約
但覺秋風髮上生

送李宗古錄事謝病南歸
李字從已乙丑八月彭

城賦

十旬病免謝雞群
收得閑身付白雲
南浦少留別賦北
山相待敢移文
松舟桂檝曉將發
菰葉鱸魚秋未分
異日有懷長笑客
西飛燕子一相聞

汶上留別李智父
乙丑八月賦

一馬西投汶水濱
自驚秋鬢帶塵紛
秋風盡日吹黃葉
心事經年寄白雲
去矣尺書勤訪我
醉來樽酒強醅君
北窓

絡緯寒聲急
明夜傷心獨自聞

答陳傳道
陳以余嶺寶豐錢官每有賀監之呼因

賦此詩戲為答乙丑九月彭城作

吾家季真登大蓬
我為斗筲來寶豐
公平時以監呼我自
咲名同實不同
樽酒相望今夜月
鱸魚又負一秋風
少須婚嫁忽
畢會買扁州下
浙東

懷寄寇元弼
時寇官荆山戍乙丑九月彭城賦

君投筦庫可知非
我飽官糧又願違
舊國秋高鴻雁過
長淮水落白魚肥
西風吹夢端相覓
南物留人也念歸
何日蘆軒下
雙榻滿持樽
酒洗塵機

招寇元弼
魚呈白雲莊張隱居
乙丑九月彭城賦

長缺長缺歸來乎十口想歎淮南魚遊宦非圖飽而已浮
生且問樂何如定無佳客清樽酒賴有古人黃卷書我亦
塵埃同病者與君長媿白雲居

答王文舉

王詩有何時面青山相並兩茅屋之句

乙丑九月彭城賦

茫茫塵土欲安之珍重吾人箇處期綠野相隨一藜杖青
山正對兩茅茨自憐慳慳負平昔尚敢婆婆臨暮遲第恐
阿戎猶喜仕它時不與吾君詩

題淵明軒

陳傳道葺雙溝官舍瀕水之北軒索名

于我因命曰淵明軒陳即日去職余高斯人為賦是
詩寄題軒上乙丑十月彭城作

淵明新榜揭門眉夫子高情俗不知未仰林杭供歲計本
於松菊有心期卧來不淺羲皇姓歸去何慙鄉里兒窻破
簷傾從此始祇應風月解相思

將發彭城作

元祐丙寅正月賦

四年吟笑老東徐滿目溪山不負渠得米徑須償酒債有
田便擬卜吾廬明朝門外扁舟雪別夜燈前滿紙書會問
匆：解携客想思命駕定何如

留別張白雲謀父

丙寅正月彭城賦

三年官局冷如水炙手權門我未能賴與白雲之隱者不
談黃卷即尋僧蕭蕭簾箔風披竹草：杯盤雪洒燈塵土
浮遊浸相遠吳魚燕鴈兩難憑

留別寇定

字應之元弼兄子丙寅正月彭城賦

不見步兵今一秋年來復與仲容遊蒼顏白髮慙衰

淹留能尋

三月皇州約拍手同登賣酒樓

永城邂逅周元通再索詩贈別

周將道海之官黃

縣丙寅二月賦

汎汎流萍滾滾蓬偶然南北偶然逢一樽通濟橋邊酒兩
夜臨灘驛外鐘行矣風波宜尚慎歸哉塵土不相容事功
早立須知退學稼它年訪老農

寄題泉南陳氏步雲亭

永城主簿陳琳字伯雋居

泉南之東山有亭名步雲出圖求詩于余丙寅二月

賦

紫翠峰前水一灣趣亭微徑白雲關漁樵不見携筇去猿
鶴相隨採藥還晚月帶潮來海上春風吹雨到人間恨君
輕為蒼生起曾得東山幾日閑

題永城縣園水亭

丙寅二月賦

詰曲池塘碧玉流禊亭孤占小汀洲長紉座上芳蘭珮不
繫簷前畫鷁舟好泛羽觴修舊事為書繭紙記清遊季真
待得東還日初見紅葉十畝秋

同畢紹寓泊水城招李深昆仲

畢字彥祖李字道

源丙寅二月賦

滿城楊柳正黃繁幾處鞦韆出短垣經雨河流失清淺帶

雲春色乍寒暄從來松阮耽琴酒況得機雲好弟昆咫尺
津亭望齋館杖藜相過莫辭煩

送畢彥祖先之京師 丙寅二月賦

日：東風吹旱雲弄鞭低帽送西曛客亭五里復十里春
物三分今二分但解征衣平酒債莫隨肥馬作塵紛扁舟
不及清明約紫筍朱櫻未負君

將發水城留題李氏齋壁 丙寅閏月賦

匹馬扁舟寄此身可憐投老尚迷津黃塵是處隨遊子明
日相逢即故人東道琴樽能惜夜西園花絮欲傷春分攜
後日忽：去燈火虹橋夢更頻

京居春日遣懷 丙寅閏月賦

青梅小葉柳長條相對春風各動搖物色依：如有待人
情忽：自無聊五陵劍俠知誰健三徑車工不我招好去
廣津門下水新秋穩送木蘭橈

送趙令時之官陳州兼簡周文清 趙字景貺越懿

王元孫時蔡僕射鎮淮陽丙寅十二月望京師賦
朱衣白面懿王孫好去淮陽事相君已放扁舟下南浦更
持樽酒醉西曛青雲計自此行始明月惜從今夜分擬仗
短書裁不及但傳窮達報知聞

汴上有懷李易初 丁卯三月京師賦時余請罷大

匠屬為淮南行

何處經行特網然津頭曾送木蘭船桃花春水生前夜楊

柳秋風憶故年驛路尺書疑斷絕官倉斗米愧留連飄飄復作江湖計從此長安是日邊

訓宗室令率惠墨 令率字景道丁卯四月京師賦麝煤新劑黝而堅誰謂奚生法不傳信是文房希代寶益知公子過人賢蔡中郎老喜飛白揚執戟窮耽草元雅意肯要瓊玖報十九聊以助吾顛

陳留南城馬上簡李公年 李字之茂戊辰二月賦南郭何人卜築幽平田高樹帶清溝隔墻野鳥啼晴晝駐馬行人照白頭二頃難尋歸老計一樽宜結探春遊步兵不惜供廚費更作東風數日留

寓泊金陵尋王荆公陳迹 戊辰三月賦

晚泊扁舟一問津依然節物思羈人江山月照六朝夢桃李風吹三月春宅枕謝公墩下路詩尋蕭寺壁間塵可湏樽酒平生約長望西川淚滿巾

答孫休魚簡清涼和上人二首 張岐山人字安之
戊辰三月邂逅於金陵清涼寺休詩家流以兩篇見投因答之

聲迹相聞忽此逢杖藜蕭散一相從平生詩酒真吾事何處江山不爾容芳草自生南北路孤雲難繫往來蹤異時荒戍長回首風送石城樓上鐘

渭北人遊楚水東論詩說舊偶從容鄉闕此日幾多遠春酒與愁相勝濃且免牛衣愧妻子莫將羊酪託吾儂哀王

孫賴彌天釋肯學揚州飯後鐘

春懷有寄代同行作 戊辰三月金陵賦

未應一咲為千金且解樽前綠綺琴歸雁不將書北去行
雲長伴日西沉楚蘭徑遠飛黃蝶湘水簾空對綠陰無復
賞心訓節物斷腸翻咏白頭吟

送潘景仁之官嶺外兼寄桂林從叔 戊辰二月金

陵賦

夜銜舟尾晝聯檣齊發都門到楚鄉我欲塵埃投袂君
方湖海去茫茫傷心客路逢寒食回首家園但夕陽想見
步兵應訪問仲容無復竹林狂

同王免慎宿清涼寺兼示和上人孫安之 王字周

臣寺有白雲上房戊辰三月賦

六代風流不可尋石頭勝槩古猶今疎鐘答響江山迥啼
鳥忘形松竹深借問白雲誰卜築擬要明月共登臨終投
逸少興公社蔬粥麻衣事道林

答王拙見寄 王字閑叟戊辰五月石磧戊賦

好在金陵王隱君尺書忽與我相聞尊鱸久負秋風約猿
鶴終尋舊日群橫笛卧吹南浦月杖藜咲度北山雲六朝
陳迹何須問一曲滄浪酒十分

慶湖遺老詩集卷六

慶湖遺老詩集卷七

近體長句下五十首

寄別僧芝

吳僧法芝字曇秀姓錢氏戊辰九月邂

逅於烏江沸泉佛祠將為京都之遊既相別馬上賦
此以寄

不見江南湯惠休芝錢今也嗣風流燒香弄筆一生事躡
屐佩囊千里遊乞酒未還黃菊晚擬詩初就碧雲秋臨高
歧馬君行矣從此安期始欲愁

度黃葉嶺懷寄清涼白雲菴主戊辰九月烏江賦

黃葉嶺頭黃葉飛白雲菴畔白雲歸葉隨遊子終相失雲
伴僧翁得所依會解腰間斬馬劍肯尋江上釣魚磯焚香

掃地雙林下願贖今生種，非

與張歷陽追懷從禽之樂因賦 戊辰十月賦

宜秋門外養鷹坊好草陂頭射雉場油幕瓊廬張野飲錦袍貂帽結戎裝興闌落日黃塵斷夢後西風白髮長誰念江湖獨流寓此情難話與漁郎

歷陽姥 下馬上有懷京都遊好 戊辰十月晦日

賦

楚澤初冬正穫田孤鴻欲下却翻然人間隱約青山郭雲物離披小雪天送別盃盤猶昨日勞生鞍馬逐窮年故人多在金閨籍誰念心如寸斷絃

烏江石跋 觜晚望有懷故園 戊辰十一月賦

山色相銜類太行江流東去亦渾黃鱸魚膾美招來客鴻鴈書遲夢故鄉五斗月支何足道一帆風便何能忘歸田有計非今日莫把移文揭草堂

登烏江寶泉寺南山望金陵作 己巳三月賦

我愛金陵望不厭獨尋微徑躡晴嵐柔桑淺草三月尾踴塔飛樓一水南苒苒流雲牽仿像遲日豔日助醺酣何須拊手歌桃葉已覺玉郎思不堪

烏江東鄉往還馬上作二首 己巳七月賦

黃塵隨馬染征衣十里江臯送客暉廢井草荒鼃龜怒下田沙漲芋魁肥解纓拂樹弄清淺橫榻掃雲飛翠微人生事不如意終日念歸何日歸

悠：東去欲何之草：西還可是歸殘日兩竿荒戍遠青
山滿眼故園非江田經雨菰蔣熟石路無風蠓蠓飛回羨
耕夫閑勝我早收雞犬閉柴扉

送歷陽潘司戶瑤移令歸東魯 己巳八月賦

衰俗紛：務近功幾人心迹與君同低回州縣青衫列躡
躍聖賢黃卷中牛渚江山空夜月河陽桃李再春風相望
魯衛無多遠異日能尋賣藥翁

再送潘仲寶魚寄彭城交舊 己巳九月賦

風雨扁舟幸少留為君持酒話徐州白魚紫鱗秋初羨戲
馬飛鴻夢屢遊二阮年來知健否季真老去盡歸休白雲
庄畔多閑地不惜橫刀直換牛

九月懷京都舊遊 己巳石磧戍賦

昔年九日登臨處把酒梁王舊吹臺今年九日登臨處江
上黃花殊未開一川落日隨潮下萬里西風送鴈來節物
可驚人更老宦情歸計兩悠哉

戲荅張商老 己巳九月賦

楊子江頭兩信潮送君西去木蘭橈依：暮雨鴛鴦夢嬾
嬾春風豆蔻梢細字碧牋隨鴈到小簾朱戶抵天遥長安
觸緒牽情地不特魂銷骨亦銷

題定山寺法遠上人壁 己巳十二月賦

支郎風味喜相親乘興來尋雪後春夾筵竹陰疑礙馬隔
江山色似招人豈無暇日容高卧如有閑田願卜鄰預約

東城二三子歲時相過莫辭頻

自歷陽汎江至赤埭訪別曹解 庚午正月賦

我訪故人不待招滄江謂廣纔容舸離城五點寒更急著
岸兩竿晴日高別來書尺正坐懶老去鞍馬何堪勞明年
淮上更攜手醉步卧虹千丈橋

再由赤埭有懷曹夢得 庚午正月晦日賦

江上顛風倒客檣江豚舞浪卷渾黃故人漂泊知何處何
日平安到故鄉野色蒼茫春尚淺夢魂慙恍夜仍長可無
百斛兵厨醞此良離憂未易忘

宿芥塘佛祠 壁間得魏湘畢平仲張士宗回所留

字皆吾故人也 庚午三月賦

青：麴麥欲抽芒浩蕩東風晚更狂微逕斷橋尋古寺短
籬高樹隔橫塘開門未掃黃花雨待曉先燒柏子香底許
暫忘行役倦故人題字滿長廊

送畢平仲西上 畢字夷直 庚午五月歷陽賦

吟鞭西指鳳凰州好趁華年訪昔遊新樣春衫裁白苧舊
題醉墨滿青樓鳴鼃雨細生梅潤颺燕風高報麥秋須念
江邊桃葉女定從今日望歸舟

烏江廣聖寺虛樂亭 庚午六月賦

避雨孤篷泊柳陰潮回溪曲稻花深有時白鷺窺魚下竟
日青鼃伴我吟酒敵無人情落漠雲鄉何處老侵尋誅茅
擬卜終焉計不為清風斲解衿

烏江北道中作 庚午八月賦

寒麥田疇雪糝花暮潮洲渚水吞沙鳧鷖長作漁舟伴桑
柘深藏老圃家濁酒縱賢誰與醉青山有價不容賒南來
學得滄浪唱却著征衫袖馬過

烏江泛舟寓目 庚午九月賦

滄江浩渺寄星槎望極紛紛兩眼花但見潮頭澎木杪直
疑山背落天涯鷓鴣夷信得平生樂仲御尤宜抵死誇僮父
慙非能賦手漁郎若個是詩家

遷家歷陽江行夜泊黃泥潭懷寄馮善淵 庚午九

月賦

黃泥潭口 槎征篷回指東城祇眼中半夜鳧鷖先覺雨連

江葭蒹自生風青燈解作無眠伴白酒難招一醉同從此
相思寢相遠便憑歸櫂附詩筒

槎舟當利港作 庚午至日賦

為問溪頭潮淺深片帆長掛北歸心夜風吹雪曉尤怒午
日破雲寒復陰江淮行役殊未已京洛朋遊安事尋何時
穩坐飽簾餘鼓腹東臯農父吟

放舟下江留寄王元胥 庚午十二月五日賦

檣櫂淹留已涉旬小窻猶得酒相親寒潮不應溪流溢病
客未行舟子嗔揮手便分今夜月斷腸先見隔江春鳳凰
臺上長回首何處高城與故人

與龍節日渡江懷寄二友弟兼示同行 元祐庚午

燕庭冠珮拜爐香九劍紛々想定場江上烹魚猶得信座
中驚鴈已離行澆愁酩酊一樽酒破睡咿啞兩艫床不特
賦詩懷二仲故呈凡韻惱支郎

訪金陵王閑史不遇留別 庚午十二月賦

歌成五噫賃春者藥不二價奪牛翁衰俗何知貴公子清
貧頗有昔人風君方上塚渡沔去我適乘舟投剡中差池
相失重回首好在海鷗望塞鴻

題金陵長干寺塔 庚午十二月賦

南國長千古佛祠浮圖駕瓦碧參差欲追二閣登高作非
復六朝全盛時簷角西風掛星斗墻陰寒雨嘯狐狸劫灰
終換人間世石甃金棺好護持

題金陵天慶觀鍾阜軒 辛未正月賦

霞高宗諱雲扉不著闕甍簷開處見人間斷墻廢井連東第
白塔青松對北山昨夜桂娥奔月去經秋芝蓋御風還玉
虛真籍家聲在再熟金桃願一攀

再詘訥師魚東清涼和上人 辛未正月賦

莫謂功名是可希定知求法不求衣此身於世百無用異
日與君同所歸遮眼何閑黃卷在安心更悟白牛非清涼
有道平如掌豈比他方大鐵圍

阻風白鷺洲招訥上人 辛未正月賦

鳳凰臺下鳳凰巢白鷺洲邊白鷺濤舟未解維先望見風
能傳語更相招江南春物為誰好淇上歸心不自聊何日

結茅鍾阜尾幅中相對一方袍

晚泊長蘆有懷歷陽金陵朋好 庚午十二月賦

犀照亭邊兩艫催鳳栖臺下片帆開龍盤虎踞行遠矣牛
渚雞籠安在哉無端鞍馬三年役有意尊鱸異日來樽酒
故人誰待我故應風月尚徘徊

上已晚泊龜山作 元祐辛未賦

薄暮東風不滿帆遲遲未忍去淮南故園猶在北山北佳
節可憐三月三蘭葉自供遊女佩芸編聊對故人談洛橋
車騎相望客曾為吳兒幾許慙

揚舟叙遊

迷藏九曲屬樵耕野草開花故有情廢苑春風遽如許隔

江山色可憐生新聲度曲復誰道古井酌泉聊獨清杜紫
微靈定相咲青樓薄倖不知名

和錢德循書懷 辛未四月京師賦

咄嗟世與我相疎歲月推排負壯圖狂客大難兼外監方
回小得勝常奴胸中累塊亦何有禹上督郵非所須徑買
一舟歸自好五雲溪接當家湖

席上呈錢德循 辛未四月京師賦

棗華纂：桑葉肥老蠶起眠雛雀飛南隣買酒勸行樂越
客廢書歌式微式微胡不歸明日會知今日非舊溪手種
水楊柳長與秋風掃釣磯

壬申上元有懷金陵舊遊

瓦官大庭千步方燈如流雲月如霜高僧供禮梅檀像遊
女來焚薰陸香舊國破亡何物在少年逐樂個儂狂別來
白社更牢落回首衡湘春夢長

送周元通昆仲官蜀 壬申正月賦

周郎弟兄皆可人外朗內潤連城珍樽酒逢迎記梁宋聯
驂行邁度咸秦寶鷄道上冰雪晚金鴈江邊梅柳春公暇
樂遊須念我青衫白髮倦京塵

夢遊金陵設堂故基

燕堂遺址壓西州剪徑捫蘿出石頭老木駸々太相逼連
岡袞々欲東流歌鍾誰話前朝事風雨魂驚別夜遊夢境
浮生更多病結茅歸老信悠悠

寄清涼和上人二首 壬申十月京師賦

吾家無擔石之儲朝四暮三如有餘北岳官糧飽妻子南
朝僧寺寓圖書迎船春色情親我坐馬京塵笑謝渠莫作
江東步兵待翻然端不為鱸魚

南國風流百不存石頭今是給孤園山連雉堞猶侵路潮
送漁舟自到門方丈定容居士病貝多應待客兒翻懸知
後日逢迎際桃李春風兩不言

寄李趙二友生

東風掠地百草青顛毛餘幾今星々長年嬰疾斷還往無
處避愁徒醉醒聯馬尋芳狹斜道銜舟待月滄浪亭遙輸
此興二公子漲海未應沈一萍

呈李之儀 癸酉二月賦

淹卧疲筋快曉晴屋頭相報鶉鴉鳴病侵老境可憐許春
入故園何似生坐想蘭亭通曲水行聞上已接清明二年
強健陪嘉集定奪三觥賦不成

贈張之才 癸酉五月賦

夙齡垂耳慕飛黃晚歲相逢兩漫郎洗我青衫奈塵土誤
君白首坐文章折腰僅厭米五斗滿腹莫驕錢一囊多病
勞生餘有幾買山築室願隣墻

載病東歸山陰訓別京都交舊 癸酉十月賦

我家湖水接山溪載病東歸路不迷城郭依然遼海鶴鷄
鴻邈矣會稽雞可須印綬懷中出幸有珠璣袖裏携行賦

漁歌寄親串春風吹渡淞江西

舟次淮陰呈邑令田望 癸酉冬至日賦

狂吟醉約昔悠々衰病方諧散浪遊蔬粥滿杯供我飽蘭
舟繫岸判君留塵埃古刹尋遺篆香火巖祠謁故侯晚具
不須烹赤鯉聊凭別後作書郵

高郵舟居對雪 癸酉十二月賦

天涯晚歲客無歡擁鼻微吟行路難三楚浮程波淼々五
陵歸夢雪漫漫兔園授簡心猶壯剡曲拏舟興久闌病骨
支離仍禁酒漁蓑重緝待春寒

留別王景通二首 癸酉十二月賦

早年放樂五雲鄉遠咲垣東使少場憲也但貧猶未病公

乎非酒自能狂塵埃輦路春遊散燈火僧窓夜話長後日
相思枉絨幅茱萸灣北付漁郎

遊宦差池太平生君方倥偬我伶俜官衙轉落百僚底衫
色軍輸兩鬢青張掾官曹拋勝日向平家事泪餘齡相逢
一段孟城夢明發扁舟是浪萍

舟次廣陵懷寄京都交舊 癸酉十二月賦

朋遊冠蓋滿京華病客東流迹自賒音驛未聞來日下隣
牆不見亦天涯尚慙斗粟煩官廩已指扁舟是我家莫謂
因風無可寄雪梅開遍臘前花

廣陵茱萸灣晚泊 癸酉十二月賦

冷雲拋雪未成花過埭東風凍著沙荻浦漁歸初下鴈楓

橋市散祇啼鴉舊聞南國饒春事行見東風換物華老病
心情亦何有藥囊詩卷是生涯

題杜仲觀南康遺編後 癸酉十二月海陵賦

高吟晚節動江關自况孤雲豈易攀賦鵬一篇傳日下騎
鯨半夜去人間知音誰復稱流水招隱吾方擬小山固有
清風千古在不應空伴月明閑

慶湖遺老詩集卷八

五言絕句一百二首 六言附

感興六首 乙丑六月寓居彭城東禪佛祠有雛雀

集於庭樹為青鵠搏而食之余感而賦六詩

雛雀學翻飛不知毛羽微青鵠咲高樹待爾飽朝飢

青鵠嗽雛雀既飽侮鳶鳥不知早鵬力拏殺北城狐

皂鵬猙覬瓜飛走披肝腦不知遊獵兒必爾講上老

獵兒燕楚俗得意唯馳逐不知廟堂上坐飽萬錢肉

廟堂擊鮮食日負天下責不知五湖上自有扁舟客

扁舟彼何人國霸始謀生不知釣魚翁羞作故人臣

懷寄寇元弼王文舉十首 乙丑八月彭城賦

樽酒津亭別還城何所投無情是流水斷送到南州

右初別後

東軒美風月詩酒伴歡呼昨日墻陰過依々見碧蘆

右過碧蘆軒

小市門南路舊遊聯馬行祇從前日別秋草一番生

右出小市門

南京一登晚翔鴈正來賓好去長淮北殷勤訪故人

右登飛鴻亭

百步洪頭水秋霖一夜渾相携濯纓處無復履綦痕

右遊百步洪

何處正明月東城尺五樓故人那得見後夜是中秋

右登黃樓

不見西街客歸來即閉門胡床面南樹烏鵲啁黃昏

右扃中歸

暑雨茅柴熟秋風淮白肥留連阮校尉何日跨驢歸

右招元微

後夜溪山雪臨門望子猷莫因清興盡半道却回舟

右招文舉

偶得悲秋句還驚舊社空中庭步明月朗咏與西風

右賦詩後

馬上重經舊遊六言 丙寅三月京師賦

淺淺東流宛溪當年罷酒分攜認得橋邊楊柳春風幾度

鴉啼

題惠宗畫扇六言二首 丙寅正月賦

春雪霏、晚梅抱枝寒雀穩
隴下有人腸斷為銜芳信
東來

右梅華雪雀

塞南秋水波塘蘆葉蕭、半黃
直北飛來鴻鴈端疑個是
瀟湘

右秋水蘆鴈

答陳傳道五首 丙寅九月京師作以目送歸鴻難

為韻

客子厭京塵長街風眯目
安得卧南陽清潭漬寒菊

遊梁復歸宋南北更相送
失得兩如何勞、不如夢

遊宦幾人達不知強健歸
未容誇畫錦幾見化淄衣

間有高秋興清樽醉飛鴻
應悲故人遠薄晚面西風

倒橐黃金盡方悲行路難
桂薪炊玉粒可是樂長安

擬劉孝勝詠安仁得果 丙寅九月京師賦

果盡猶招手車停更起塵
固應持一咲先答近轅人

和王文舉玉臺體 丙寅九月京師賦

南城空目送西館斷心期
懸知今夜思明燈半下帷

夢後聞蛩 丙寅九月京師賦

籠燈耿欲滅枕下蛩聲切
底許事相關煎人腸斷絕

寒宵歎 丙寅十月京師賦

可憐明月光委曲照空牀自是元無夢更悲今夜長

春晚樓上 丁卯京師賦

楊華吹復盡春色但茫茫獨立西樓上持情向夕陽

和王文學別館初夏 丁卯京師賦

薰風酣綠樹午日思黃鸝的的羅窓夢西隣可得知

和陳傳道秋日十詠 丁卯九月京師賦

近切擲鳴籤長簷懸素綆濕翅暝鴉歸高梧落寒井

右秋雨

歸雲去悠悠長風來獵獵簷角兩長楸斜陽暝黃葉

右秋晴

病骨倦空床曳杖閑庭步暗燭與寒虫迢迢思風露

右秋夜

未捲半簾霜猶疑在庭月倚樹汲清泉疎風獵華髮

右秋曉

霜空出華月樽酒聊相對別夜復嬋娟故人千里外

右秋月

紛々脫柯葉哀々斷根蓬不待吹揚力隨風亦自東

右秋風

宿雨塵霾靜寒原黍稷空臨風聊放目不為送飛鴻

右秋望

擬從康樂公雙躡登山屐晴夜宿天台披雲看初日

右秋興

梅梁巢已空去此復何從勿憚歸飛遠冰霜不爾容

右秋燕

不復怒飛聲胡鷄得擅鳴婆娑猶有地媚竈畢餘生

右秋蠅

和同行潘生悒悒二首 戊辰三月金陵賦

悒悒復悒悒愁眠成夢泣薄暮落花天高樓面風立

悠悠復悠悠淚寄東風流所思悵何許西北齊雲樓

長安在何許二首 戊辰八月歷陽賦

長安在何許疑是青天上矯首遡西風溪雲斷人望

長安在何許疑在白日下徘徊天一隅華月生新夜

懷寄清涼和上人二首 戊辰十月歷陽賦

不見江南客願聽江南鐘傾耳度遙夜天寒多北風

試問江南客何時肯度極多情是湖水每日石頭來

梅華寄清涼和上人 己巳十二月二十三日石磧

戎北馬上賦此

石頭城上客領取一枝梅何事春消息今從江北來

送僧法印智因西上 庚午正月烏江賦

千里長淮北東風破雪寒此行休問路驀直到長安

懷寄彭城朋好十首 庚午九月歷陽賦

元微今安健音塵久濶疎早年傾蓋意白首復何如

右寇三 別三年始再通問

努力張謀父躬耕老白雲無年儉足用此外奈何君

右張大 寄聲有田居食不足之嘆

子仲安貧者昆陵久罷歸秋風一相憶賴有燕西飛

右劉四 名士真謫官昆陵罷歸已久

好在張居士雲龍寄夢頻西齋見風月連榻復何人

右張十七 間廢雲龍山居增高宗廟諱城中西齋甚宏

邃

希遠來彭澤耶為三逕資拂衣歸底處命駕定何時

右董大 名初嘗攝沛長累月解印去職

遠寄陳傳道窮秋亦罷官還驅款段馬吟雪向長安

右陳二 先余之官下邳計今已受代

不見會之久每思詩酒豪扁舟由甬上乘興可須招

右王十三 期余罷官會甬上

子敏超龍級得官何處州它時趨洛下獨與士龍遊

右王七 名適方第進士而喪其兄子立

寇叙情何厚郵筒數得書前春應上塚能訪舊家無

右寇十一 應之每歲上塚道由京師必訪余于酒

壚

試吏王文舉俄纏風樹哀明年道灘上為爾一徘徊

右王三 始調華亭刑獄掾以家艱罷今執喪宋城

和錢德循古意二首 辛未五月京師賦

駕犁豈知耕布穀不入田大農坐官府百吏飽窮年

維漢南有箕垂象列三辰長司簸揚職糠粃居前塵

送王西樞出鎮鄭圃八首 壬申六月京師賦

千載君臣會將圖不世功卷收天下福偏厚右扶風
帷幄參神算邊塵萬里清西藩聊偃息猶是一長城
公論由來重高懷此去輕吾非厚知己感歎此蒼生
新書許從事狡穴盪應空寄語征西將無矜獵犬功
前日神州尹聲華掩趙張春風長有待雞樹是甘棠
未暖西樞席斯民賴已多前春鳳池水四海漲恩波
門闌曳裾客皆自許人豪今日宸廷下誰知北郭騷
袞綉行將復沙隄百里東病夫雖老矣猶解賦幽風

題海陵寓舍二首 甲戌正月賦

池上千條柳依依 解占春自憐衰颯鬢不與物爭新

池上雪初消春鴉已占巢自憐流寓迹無地可誅茅

追和亡友杜仲觀古黃生曲三首 甲戌四月海陵

獲仲觀遺編追和此

朝出去山雲暮為還山雨誰謂物無情歡期不如許
歡歸夜何其月照臨門別後夜待歡來開門但明月
要知兩儂心等是它山石此誠不可轉彼情無自入

京居感興五首 丙寅秋彭城陳傳道見寄五詩以
目送歸鴻難為韻尋和荅之乙亥八月食貧京師復
取手拊五絃易為韻五詩俟它日示陳也

壯圖可復道罄折營五斗負郭二頃田何時落吾手
平生感激心烟々徒自許塵埃五十絃難為齊人拊

稠人致高位一二難遽數驃騎彼將軍未應賢第五
擾：塵籠下容身亦自賢橫屍道邊子共笑直如絃
長言與短調誰謂高游藝謾賦芳草篇長安居不易

和幽老郎官湖懷古五首 事見第五卷中丁丑八

月江夏賦

郎官老辭筆得爾壽春碑姦賊餘靈在斯文是戮屍
白也遭時網臨年放夜郎何妨去物遠當道橫豺狼
昔人泯黃壤陳迹變滄波劫火洞然壞無如嘉句何
杜宇王明府吾知夫不方解持餘酒載一飲逐臣饒
岑輔何為者當年唱不磨名隨詩石在附驥兩青蠅
江夏八詠 丁丑九月采江夏陳迹未著於時者賦

之以補郡圖經之闕焉

祖龍礪長劍昔道此南巡徒扶雄鏗利湘川奈水神

右磨劍池 在頭陀峯頂相傳始皇南巡磨劍于此

石亦存焉

孟公泣竹地今是布金園不保五畝宅非無百代孫

右靈竹寺 相傳孟宗故居也

高岸已為谷斯人如蛻蟬固應留寶刻信示當家仙

右祖貫墓銘 祖字子元元和乙亥年過吾家外監

授丹及訣後六十年始化去壽九十五門人許鼎為

其理銘載李真天台昇仙事甚詳後為瓦官殘子元

墓棺已空矣此銘今在天慶觀中

亡一章

右舒元興榜 舒依郗士美僑居江夏太和二年登朝方盡室去此將行題榜留于頭陀佛祠之殿梁上至元祐中郡守王得臣始命李康年序其事而摹刻於石榜遂失所在

亭揭奇章榜斯民孰去思多慙羊叔子涕泗峴山碑

右奇章亭 在黃鵠山最高頂牛僧孺屢登燕於此後人因榜奇章云

南津趙陀石云是昔人舟長懷精衛志不碍長江流

右趙陀石 在鄂之南浦長十許丈高亦半馬相傳昔人沈舟之所化也

西戌夕陽晴東城石鏡明有山名八字供作兩眉橫八字見傳戴洋

右石鏡亭 黃鵠磯有石明瑩可鑑亭占其上榜為石鏡云

應龍昔此去雷雨助騰伸舊穴潛鮫蜃風波橫要津

右龍穴渡 相傳有龍出於此今為津步 變竹枝詞九首 戊寅上巳江下席上戲為之以代

酒

莫把雕檀楫江清如可涉但聞歌竹枝不見迎桃葉

隔岸東西州清川拍岸流但聞竹枝曲不見青翰舟

露濕雲羅碧月澄江練白但聞竹枝歌不見騎鯨客

北渚芙蓉開寨裳擬屬媒但聞竹枝曲不見莫愁來
 西戍長回首高城當夏口但聞竹枝歌不見行吟叟
 南浦下魚筒孤篷信晚風但聞竹枝曲不見滄浪翁
 勝槩今猶昨層樓栖燕雀但聞歌竹枝不見乘黃鶴
 危高廟諱壓江東江山形勝雄但聞竹枝曲不見胡公床
 蕪葭被洲渚鳧鷖方容與但聞歌竹枝不見題鸚鵡
 題畫卷後六言二首 元祐壬申京師為宗室令嘉
 文煥賦後八年文煥物故二圖為它人有復見此詩
 錄之
 蹇驢烏帽禪客落日黃塵故關已悔繻橐昔去更逢挈履
 今還

右閑路途僧圖
 結茅百尺荒臺杖藜一徑莓苔謝絕鷄群老鶴不應端為
 琴來

右鳴琴招鶴圖

慶湖遺老詩集卷八

慶湖遺老詩集卷九

七言絕句六十首

清燕堂 丁巳四月趙郡賦

雀聲嘖々燕飛々在得殘紅一兩枝
睡思乍來還乍去日長披卷下簾時

北園初夏 丁巳趙郡賦

天氣清和樹蔭濃冥濛薄雨濕簾櫳
薦紅半落生香在向晚瓔瑰架上風

秋風登城樓 己未七月涇陽賦

襲人風露覺秋初臨水高樓更雨餘
天幕鮮明河影淡行雲流月兩徐々

初見白髮示內 庚申三月滄陽賦

安能屈指計封侯西日東風見白頭信是色身非我有若
論身外更悠々

局中歸 庚申五月滄陽賦

心火成灰不復然故園咲別十三年晚涼退食無餘事坐
與兒曹挽紙鳶

野步 庚申七月滄陽賦

津頭微逕望城斜水落孤村格嫩沙黃草蒼中疎雨濕白
頭翁姬坐看衣

和崔若拙四時田家詞四首 崔字至之庚申八月

滄陽賦

鼓聲迎客醉還家社樹團欒日影斜共喜今年春賽好纏

頭紅有象生花

野蔓牽花過短墻麥秋時節併蠶忙迎門老父延行客井

汲清甘樹蔭涼

雞聲犬吠遠相望社酒登槽喚客嘗曉日晴明波更濶風

吹喬麥蜜花香

晚雪漫々沒兔且滿盃豆粥餉隣家夜長少婦無春織一

點青燈伴緝麻

西城馬上 辛酉正月滄陽賦

燭冷塵消過上元晴明風日柳初繁偷閑偶到西城陌喜
見青山似故園

再遊西城

辛酉二月賦

柳條破眼已堪攀
鷺下城隅水一灣
後日重來寒食近
杏花林外見青山

東城送客馬上

辛酉二月滄陽賦

向午孤烟起客檣
一陂春水兩鴛鴦
漁童解唱滄浪曲
應笑塵埃馬上郎

魏城東

辛酉二月元城賦

短：宮牆見杏花
霏：晚雨濕啼鴉
欲將今夜思歸夢
仗春風吹到家

成安道中懷寄馮惟逸

馮字日休趙郡滄陽兩為

僚友辛酉二月賦

蒼面黃須過壯時
欲投閑去兩難期
人生自是無根物
南北東西任所之

李固道中懷寄杜邨

青堂在縣解中辛酉三月

賦

西望叢臺百尺間
車輪無角不知還
天夫庭下長無訟
誰伴青堂整日閑

僧居對雨二首

辛酉四月冠氏賦

簷雨濺：滴砌沙
綠叢深處一榴花
小窻隱几俄成夢
堪笑無功餅後茶

平沙四繞護城堤
小雨經旬不作泥
似與幽人慰牢落
一雙黃鳥隔牆啼

再涉南羅渡 辛酉八月賦是夏大河西徙遂可徒涉

滯水生苔沒馬蹄漲沙隱約見翎金隄禹功寢久人無繼未信東流不復西

金隄客舍望南樂城 辛酉八月賦

黃流漫渙浸城根烟火依微日欲昏黍黍不登非政罪居人猶得飽魚飧

過澶魏被水民居二首 辛酉八月賦

帶沙剛畝幾經淤半死黃桑繞故墟未必隣封政如虎自甘十室九為魚

莫問居人弱與逃破籬歌屋宿漁舸中庭老樹秋風後鶴

鶴將雛奪鵲巢

離冠氏道中 辛酉十月賦

別酒厭一據鞍遠林微逕雪迷漫傷心不似來時路柳擺東風絮作團

冬夜懷寄周文清郭天輔 辛酉十一月賦

壁缸向滅硯生澌仰屋重哦舊卷詩懸想北園閑散伴青錢堆坐賭宮棊

病告中谷王錡見招 王字誠之臨城故人也時駕馬亦病足 壬戌正月京師賦

伏櫪駑駘伏枕人不應俱是厭京塵東城自有乘肥客白苧新裁探候春

樣舟廣津門外作 壬戌七月賦

綵棟橋西七日留幾回、首鳳凰樓如何一葉扁舟裏載
得離人萬斛愁

晚泊會亭 壬戌七月賦

復日符離復捨舟馬蹄塵土入徐州祇應明月曾相識伴
我時登燕子樓

題承天寺竹軒 癸亥五月永城賦

征衫初解就僧床惠我脩然一枕涼赤日黃塵畏途裏此
君風味可能忘

楊柳枝詞二首 癸亥五月汲郡席上歌人楊柔出

二白團扇求吾詩為賦

方過清明雨後天回塘照影弄蹊：深情擬屬風光主愛
惜長條待少年

楊柳東風盡日吹柔條應自不禁持都門三月傷心地強
半青：贈別離

自衛還徐憇永城王氏園 癸亥六月賦

歸路塵埃嬾著鞭北窓仰枕碧雲天紫桑此興無人學負
爾清風七百年

席上分韻寄陳傳道 得懷字乙丑二月彭城賦

忍穿布屨與青鞋困走京華十二街擬仗飛雲寄招隱東
風吹送落君懷

東平周村驛觀臨川吳公題 乙丑八月賦

頓轡揮毫墨尚新碧紗從此碧生塵可憐庭下長楊樹猶有清陰待路人

九日答張謀父見招 乙丑彭城賦

昨夜新霜滿菊叢起來何面對西風白衣送酒無消息賴有西隣張長公

九日張謀父席上 乙丑彭城賦

浪竹低枝掃隙塵到簾清月欲留人西家一斛黃花酒沉醉吳音賀季真

早發斜溝道中寄王有元 王字會之有詩見寄云應無好夢到彭城因此答丙寅二月賦

處：春林有鳥蹄恨無芳酒一樽携何緣復得彭城夢日

日東風送我西

泊舟永城寄京都朋遊 丙寅閏二月賦

正西千里是青門橋下春流帶雨渾想見舊遊芳草合有誰樓上與銷魂

將發永城題陳伯雋蒙軒 丙寅閏月賦

幾對春風把酒杯小舟臨發更徘徊四明狂客重來日庭下榴花開未開

京居暮春感興二首 丙寅三月賦

閑坊稅屋遠人羣晨鶻昏鴉亦厭聞無奈春風作多事滿庭花絮正紛紛

擾：奔蹄與疾輪九街尋勝作狂人東風漫送朝來雨可

奈長安自古塵

春夜對月

丙寅三月京師賦

麗景門頭初月明清川燈火兩橋橫一舟若許東南去何處西風羽翼生

遊夷門資福佛祠園

丙寅四月京師賦

百根高樹桂凌霄鷓鴣飛來深處巢心喜它年有歸著白衣居士此誅茅

卯醉口號

十月二十日賦

丙寅元祐初年冬賀老因寓京塵中無心炙手權門熱曝背晴陽坐屋東

汴下晚歸

丙寅十一月京師賦

隋渠經雪已流水乘興東遊恐未能試問何人知夜永一樽相伴小窓燈

陳留道中

丁卯二月十九日賦

強半春風掩戶庭出門唯見麥青青從來赤白歌桃李曾與何人伴醉醒

過曹氏園馬上作

丁卯三月京師賦

香風細細出重牆不見繁枝已斷腸知有何人卷簾箔卧看零落滿斜陽

和人傷春

丁卯三月京師賦

入簾輕絮故依人夢後題詩欲判春縱使相思解銷骨此情終未出黃塵

重賦京居暮春感興 丁卯三月賦

怒風狂雨信悠悠
收拾春華不少留
祇有柳綿吹未盡
墻陰落泊伴人愁

送人朝饗裕陵 丁卯三月賦

三年不見禹湖龍
分劍塵埃玉座空
白髮孤臣心斷絕
滿山明月栢城風

登興國寺樓 丁卯五月京師賦

怪槐風動綠鬢髻
廊外時聞演梵僧
怡悵無人共樽酒
可憐明月最高層

李氏池上 丁卯七月京師賦

湖外西風吹雨絲
半隨楊柳拂漣漪
女郎偷折藕花去
沙

上鴛鴦睡不知

遊莊嚴寺園 戊辰五月歷陽賦

石楠花落小池清
獨下平橋弄扇行
蔽日綠陰無覓處
不如歸去兩三聲

黃埭魏氏見江亭 戊辰七月歷陽賦

浮生欲寄酒杯間
馬上誰容一日閑
不是登高粗能賦
老夫真負爾江山

題贈芥堂老僧遇來 戊辰八月歷陽賦

歲計江邊二頃田
不能多應世間緣
閉門密竹荒松裏
枉粥爐香六十年

茅塘馬上 戊辰九月烏江賦

壯圖忽、負當年回羨農兒過我賢水落陂塘秋日薄仰
眠牛背看青天

阻風小孤山晚晴作 丙子五月四日賦

小孤山下晚波恬安墮青鬟玉鏡奩借與彭郎作眉樣西
南初月正尖纖

題漢陽寓舍老桑 丙子六月賦

曾無飲若飽吳蚕腹蠹聊供啄木餘底事慙勤嗙兀緒不
應有意附炎、

秋江晚望 丙子九月江下賦

黃蘆洲渚赤楓林、外殘陽疊嶂深記得廣陵城裏市董
源橫障賣千金

和吳達夫見過留題 丁丑清明江夏賦

雀羅門巷不容車杖屨相過一試茶後日相思會乘興五
雲溪上是儂家

題詩卷後 戊寅三月江夏賦

詩豈窮人窮者工斯言聞諸六一翁端慙少作老更拙不
廢汝詩吾固窮

元豐末年予始筮仕與方回俱在彭城為同僚友自是
一別聲迹不相聞蓋三十年餘矣政和甲午秋八月予
還自京師過平江謁方回披腹道舊相視惘然如昨夢
耳方回之詩予見之舊矣復出鑑湖集示予其辭義清
遠不見雕繪之迹渾然天成殆非前日詩也方回自少
有奇才其器業足以自表於世意功名可必也逮今流
落州郡不少振豈詩真能窮人耶然方回詩益工名日
益高其傳不朽矣與世之酣豢富貴與草木同腐者豈
可同日議哉以此易彼可以自釋也是年冬十有二月
庚申延平楊時書

慶湖遺老詩集拾遺

鑑湖遺老序

鑑湖遺老詩凡四百七十二篇其五字八句詩鍛煉出入
古今為集中第一其餘大抵名家作也余少讀唐實錄與
會稽石刻見賀季真棄官本末方開元天寶之交天下號
無事文學士見貴重季真出入禁省冠道山友儲副極當
世華寵然一旦不顧去為千秋觀道士使人望之超然如
雲漢登秦望行剡川未嘗不悠然遐想也季真去後四百
二十載建中辛巳歲始識其孫方回江湖上蓋鑑湖遺老
也方回落有才有具觀其詩可以知其中間罷官錢塘
及通守兩郡輒謝病去為祠嶽吏又一旦掛衣冠客吳下

窮達雖不同其勇退樂閑故有鑑湖餘味然余謂方回之
為人盖有不可解者方回少時俠氣盖一座馳馬走狗飲
酒如長鯨然遇空無有時俛首北窓下作牛毛小楷雌黃
不去手反如寒苦書生方回儀觀甚偉如羽人劍客然戲
為長短句皆雍容好麗極幽閑思怨之情方回忼慨多感
激其理財治劇之方疊々有緒似非無意於世者然遇軒
裳角逐之會常如怯夫處女余以謂不可解者此也余竒
窮骯髒可憎方回多交遊乃獨以集副授余曰子好直美
惡無溢言為我詳而叙之此亦豈其不可解之一端耶政
和三年癸巳歲十月朔信安程俱叙

古風一首

荅僧訥 守訥鄭氏子字敏中三代第進士訥亦兩
至禮部既壯祝髮事師圓照本公庚午十二月相遇
于金陵以長篇見投其自叙如此因荅之

唐代衣冠高四姓天宗之亞滎陽鄭不墮家聲五百年桂
籍相望三葉慶上人猛謝區中緣破冠投櫛還童顛寸灰
已滅五經笥來入辯才無礙禪我竊官糧衆人後相逢宛
是平生舊一聞南國白頭吟萬媿西風碧雲陋老鶴終辭
雞鶩群誰將斷綆絆浮雲它日傳衣度梅嶺解留何語與
將軍

近體長句五十八首

登海陵齊雲樓

甲戌正月賦

樓外浮雲何可攀
聊持樽酒共銷閑
歸心歛起登臨際
春色來從想像間
晚雪晞時見芳草
滄波盡處欠青山
長安桃李行應好
解笑劉郎底未還

酬別曾忱 曾字誠之嘗任共城尉相聞蓋久而未始相際甲戌二月曾自通川放還邂逅于海陵將行為賦是詩

昔年室邇歎人遐
少日相逢別日賒
聊寄歸心天北鴈
會乘高興斗邊槎
雷驚白晝龍蛇起
風蕩青春草木華
誰念渠伊獨憔悴
豈容平世賦懷沙

送張師常之官南雄 張累官嶺外結婚于海陵因識之甲戌三月賦

爰居蹭蹬海西頭
紫鳳求凰亦少留
持酒一樽明日別
題詩幾處舊年遊
春風白芷江南岸
暑雨黃梅嶺上州
却望衡陽千里遠
懸知無鴈託音郵

送方安行之官高密令 方字必中有通籍休官之志甲戌三月海陵席上賦得童字

平世功名輸阿童
束書洗劍棲漁篷
晚交東武百里長
想見桐廬三拜風
白雪興闌吟社遠
綠槐陰合訟庭空
它年朱紱指東道
試訪釣鰲浮玉翁

送江與京歸山陽 江字茂宗甲戌三月海陵席上賦得山字

山陽澤國四無山
百雉危城兩水關
楊柳遙知紫極路
滄

波長羨白鷗閑病來藥裹為吾累興盡漁舟送子還風月
異時何限思區、併入尺書間 紫極宮在郡城西南隅
楚人遊觀之地

海陵書事 甲戌三月賦

海濱流浪胡為乎况復支離百病餘三月逢梅識春色半
年無鴈託歸書老烏啄屋瓦呼鬼野艇橫門米換魚回首
揚州終百里畫橋風月可憐渠

聞鷺有懷故國 甲戌四月海陵賦

海陵春後雨冥冥耳聽龜鳴鶴齒鳴何意東亭好風日流
鷺忽作故園聲故園千里長牽夢老病三年不廢情想見
楊花收卷盡綠苔池院落朱櫻

海陵西樓寓目 甲戌四月賦

天涯樽酒與誰開風外徂春挽不回掃地可憐花更落卷
簾無奈燕還來王孫莫顧漳濱卧漁父何知楚客才強策
駕筋懷故國浮雲千里思悠哉

寄興化黃主簿杞 黃字原禹少年奉道世味殊薄

甲戌四月海陵賦

何準第五不足稱黃童無雙非自名早栖鸞鳳安初仕葆
練龍虎希長生明月高吟紫芝曲紅塵先老白雲兄莫辭
一力走三舍遠未能來頻寄聲

海陵喜雨 甲戌四月晦日

閏年四月之相交旱天雲物何蕭騷清風捲地換塵世白

雨入林翻海濤殊勝農兒踏車健少寬病夫揮扇勞須晴
徑買一漁艇想見橫塘深半篙

食鮓魚 甲戌閏月有人饋此因賦詩

雨長沙田三尺蘆截江邏釣待嘉魚上釣一尾誇先得下
筋千錢忍棄餘倦客罷彈腰下缺故人忘寄腹中書知機
何獨張生翰不俟秋風已起予 鮓魚初得尾直千錢

題海陵寓舍四首 甲戌閏月賦

藜藿荒庭微徑通支撐破屋古池東暮涼百燕抵突雨畫
靜一蟬饕餮風隱几敢希南郭久移文方謂北山空森然
槐柳相差地它日低回憶箇中

右一

近濕籬根歌蟋蟀向明屋角網蜘蛛黃葵紫萸兩張王

字二

並去聲花蚊白蟻風驅除輾轉猶憎夏夜久支離何堪春病
餘預愁還作舊年調兩眼京塵懷鏡湖

右二

倒障開窓面曲池塵襟初喜豁然披清風殊不去人遠明
月端能與我期鼓吹青蠹聊自喜歌謳白鳥漸相欺紛
利害朝昏出閉目忘言是住持

右三

千里家園安在哉羈栖猶喜占池臺酒非從事斷年別風
是故人彌日來黃鳥綿蠻紫椹熟白鷗滄瀾綠萍開頗知
老子機心廢留得渠伊興盡回

聞蕪眉山謫守英州作 甲戌五月海陵賦

嶺首登臨楚粵分披襟先喜得南薰座隅鵬鳥敢要平賦
溪下鱷魚知畏文酒洗黃茅瘴時雨嘯驅碧落洞中雲高
才何假江山助未擬區々詠五君

寄金陵和上人 前歲嘗以二詩寄和有卜居之約
久未見報甲戌五月海陵再賦此

舊年問米欲東流先賦新詩寄石頭赤鯀久沉江上信雜
懸誤落海邊州想君道眼遙相識顧我官身可自由香火
因緣知有在草菴蔬粥不他求

許永席上賦 許字子長家釀甚美名十八僊時余

抱病節酒而歡亦同之甲戌中元日海陵賦

流浪江湖跨兩年西風猶駐木蘭船可人方外二三子與
爾樽中十八仙處士妾同公子議麴生未減索郎賢自憐
衰病方轟飲也在劉家幕下天

訓別道師許自然 許山陽人嘗為郡道正後補茅

山都正懷土北歸寓紫極宮將謀西上求試所學以

詩見投因訓之乙亥正月山陽賦

早慕浮雲耻繫匏冷然風馭起三茅青菁可種無閑地黃
鶴歸來失舊巢石鼎頗傳驚俗句醉圖未免取僧嘲何須
西望長安咲誰是平生莫逆交

題任氏傳德集 任中立承制既死交親賦詩弔其

不遇者凡百人集而名之曰傳德二子廣靡亦有學
術乙亥三月與吾相際於永城求吾一詩為賦

釣魚公子學屠龍潦倒西班八品中鼠目獐頭登要地鷄
鳴狗盜策竒功儀刑拔士無光祿經術傳家有聖童慨想
斯人安可作九原松檟幾秋風

送周開祖出守鄱陽 乙亥六月京師賦

三尺京塵袞々中略無閑地貯清風鱸魚菰菜經年別皂
蓋朱轡一日東俗眼強分青白在芳樽未覺聖賢空鄱陽
不乏江山助高興都盧屬謝公

贈僧彥 彥字純老庚午冬余泊舟秦淮屢與純老

過鍾山泉禪師丙子三月再由金陵泉公化去已累

月賦此詩以示純老

昔年杖舄幾相從同過彌天漢上翁早恨揚舲南浦別俄
驚掃地北山空壯心脫落浮雲外病骨支吾夢境中賴有
西巖舊桃李異時應許共春風

秦淮官柳二首 丙子四月賦

秦淮兩潮西復東淮邊楊柳酣薰風送春白花去漢々避
日黃鳥啼忽々陶彭澤多倦官歎栢琅邪今衰病翁此身
會復有健日擬就綠陰橫釣篷

右一

西來載病一扁舟建業江山負勝遊楊柳經眠方自得蒲
帆臨掛復遲留長條似舞前溪曲卷葉宜翻出塞愁想見

南朝舊人物可憐能箇樣風流

右二

和別清涼和上人 和結西菴招吾歸老故有落句

丙子四月賦

明朝解携白鷺洲後日相望黃鶴樓
連業水清供白酌武昌魚賤足音郵
著身物外不無處俛首人群非有求
願報西菴落成會待公退卧儂歸休

重別和上人 和以余扶病之官臨分屑涕余因留

舊寫真以結西菴之緣丙子四月賦

分手風波路幾千侵尋老境百疴纏
一官得飽亦勞矣大士忘情猶泣然
北道音塵長斷望西菴香火不無緣
是身

脫使先朝露圖像聊依十七賢

留別彥上人 丙子四月金陵賦

道人臨別重留連應念吾生汨世緣
拄笏看山猶故態量舡載酒異常年
興來不計遠千里休去可須持一錢
會作清涼老菴主兩盃分粥對床眠

留別王閑叟 王方閑閑課誦佛書丙子四月賦

婆娑晚境未知還邂逅故人增厚顏
次道志色宇宙外子牟身寄江湖間
一乘妙義想永釋九死餘生非石頑
敢負清涼阿師約西菴先辦十年閑

烈洲守風 丙子四月賦

張帆早發石頭城淹泊風波百里程
白芷汀州潮進退黃

梅村落畫陰晴官糧卒迫少休日藥物扶持多半生深閉
船扉謝漁老自慙塵垢滿襟纓

晚泊三山懷古魚寄歷陽朋遊 丙子四月賦

三山春水拍江流六代餘風掃地收破國龍驤復安在賦
詩宣城難與詘傷心遠宦北宗老滿眼舊遊南豫州寄聲
好在數君子一別相忘風馬牛

晚泊東采石磯 丙子四月賦

謝衛將軍憐苦吟表臨汝郎遭賞音風流人物豈如昨形
勝江關留與今控鯉直思凌浩渺然犀何假照幽深莫招
捉月翰林老屈曲塵間猶陸沉

艤舟姑熟溪 丙子四月賦

潮來姑熟半篙深帆落溪口檣如林謝氏青山失故井柏
郎白苧無遺音良遊躡屐負登覽衰病伏枕方伸吟箇中
二頃了吾事怡悵十年懷此心

蕪湖王敷城下作 丙子四月賦

斗立孤城日四圍賊奴曾未懾天威風生虎帳豺聲厲塵
犯龍顏魚服歸首揭大航遺臭在歌流樂府舊音非當時
不慕栢文舉草滿中原胡馬肥

題皖山北瀕江田舍 丙子四月賦

江轉皖公山北流蕭閑人物美田疇一溪春水百家利二
頃夏秧千石收小市竹樓張酒旆平橋松島蔭漁舟莫知
農老何為者幾葉傳封樂國侯

晚泊小孤山作 山與澎浪磯相對沫猴鷓鷁分占
其上丙子五月賦是晚大風

江勢東南陟折回兩山屹立地維開顛風裂石轟雷下駭
浪澎舟卷雪來捫蝨王孫初睥睨飽魚鳥鬼但毳毳物情
豈識忘形樂嘯倚檣干獨快哉

得周元翁蘄春道中書 丙子八月漢陽賦

離々赤棗墻東林開窻下榻依墻陰杖藜相顧賴之子隱
几忘言我知心晚契初途一東野清詩屢擲雙南金官身
為來自南北世路止羊無古今夢澤草荒孤驛遠洞庭雨
入滄江深相思何以祝高韻桂樹秋風吟玉琴

送漢陽刑獄掾鄒永年解官歸養 鄒字天錫其父

以朝散郎告老因補此官會有大臣薦其父再起造
朝天錫復落仕籍將行求吾詩丙子八月賦

高歌每憶故山薇咲擲青衫換綵衣竟為蒼生安石起本
來男子次君歸脫冠弭櫂興非淺戴笠乘車誓莫違明日
渡江聊贈別武昌官柳尚依依

登頭陀寺峰頂菴 丙子八月江夏賦

磴道凌虛掛白虹頭陀上方黃鵠東滄溟五夜浴新日老
木三伏來淒風北夢南雲展張濶縱江橫漢并吞雄楚鄉
絕境此其一付與微吟多病翁

九日寄維揚劉明仲 劉字冲光淮南故人也丙子

江夏賦

揚舫瓜步背衣洲底處孤亭是玉鈎蠟燭有心啼別夜布
帆無恙到南州黃華嘉節與聲何事白髮故人分取愁賴
有滄江知客恨長年西北望京流江至鄂渚即西北流
江夏秋懷三首 丙子九月賦

陳物紛然眼界中長年何與轡偶書空滄浪難為俗子唱
絡緯漫催貧女工風月少容休吏役烟波長與濟途窮功
成身退非吾事猶辦扁舟東復東

右一

人物駸尋迫暮遲秋風萬里來如期幽蟲切々竟何道羈
燕忽々將安之洛下微吟聊擁鼻西山爽氣為支頤肯將
翰墨悲流落寄語三閭彼一時

右二

此身豈復繫西東流浪江湖伴塞鴻曲突非圖三爵客直
鈞何羨六鼈翁千年陳迹祇今日萬里故園猶箇中冗散
偶逃人指數未應吟嘯坐妨公

右三

書國志陳登事後 丙子九月江夏賦

求田問舍良可嘉元龍偶未思之邪黃鼠長為太倉耗白
雲猶有青山家人生歛爾待鑽石世故紛然勞算沙銷磨
髀肉亦何事竟作子陽同井壚

寄別秦觀少遊 秦南遷桂陽舟過沔上隔江不及

見因寄是詩余三為錢官丙子十月江夏賦

沔陽湖上小留連疑是前時李謫仙
流向夜郎終半道徑還江夏樂
當年箇儂生以才為累阿堵官
於老有緣待得公歸吾亦罷
春風先辦兩漁船

潘幽老出十數詩皆有懷蘇儋州者
因賦二首 丁

丑四月江夏作

人煙寂絕鬼門關更指儋州杳
莽間三四月交天漏雨東南地
盡水浮山依迷春草鴿原失響
像秋風鶴馭還回羨河陽賢父
子雪堂曾伴十年閑

右一

舊隱江城東復東堂前楊柳付
春風猶傳白雪興中曲俄失黃
梁夢後翁儋耳吉音無鴈使
蛾眉爽氣屬徂公不應

更廣窮愁志悟取平生坐底窮

右二

有僧自峽中來持黃黔州手製
茶兼能道其動靜與潘幽老賦
二首 豫章人聚白金十餘斤以
寄魯直付一士子竟隱之不送
故有黃犬之句 丁丑五月江

夏賦

未聞東觀奏書成俄見西南萬
里行從坐何闕李都尉補亡猶
待褚先生心懸黃犬沈來耗耳
慣青駒祇舊鳴時節私庭差自
慰鳳將雛去鴈隨兒

右一

平生得祿僅榮親持底天涯料理
貧夜戶不闕無長物晨

炊待火乞諸隣山獠頗快能來虎水弩何知枉中人少減
家園舊年調携籠先采雨前春

右二

中秋日懷寄潘幽老 潘將歸黃岡獲田故有落句

丁丑江夏賦

西戍角聲清且夜東城鼓動殷然雷雨闌伏檻月可待風
橫音去艤舟君不來得病未容歡獨伯把書端與睡為媒雪
堂歛穀急還舍更約頭陀黃菊開

重寄潘幽老 丁丑仲秋以少酒欲致潘來荅云侍

親燕甚歡翌日再賦此寄

輕舸薦水帆如弓一伸臂頃來江東聊持美酒致吾子方

事綵衣娛汝翁懸榻可容它客坐閉關正與無月同夙興
行樂竟何有醒醉陰晴皆夢中

潘幽老以長篇求假吾書以副本送之 丁丑九月

江夏作

元凱有言君盍知借書還書皆可嗤家傳五載亦勤矣吾
與兩雛當共之吏役豈容方外駕古人端在箇中期聊分
副本天隨子輯綴來歸是一奇

示王泌 王歷陽之舊也相別八年會于鄂渚憐吾

衰病因以示之丁丑十月賦

遠離南北幾星霜短髮蕭々帶尺長執戟郎劾官落拓楚
邱生觸緒悲涼雙鳧乘鴈誰比數拉虎批熊猶健疆端恨

養疴妨廢酒樽前都屬箇儂狂

答致仕吳朝請潛登黃鶴樓見招 吳字達夫與吾

為忘年之友兼示慎獻玉故有落句丁丑十一月賦

城隅黃鶴莫登臨端使悲翁動楚吟日下長安人共遠天
園夢澤歲方陰北風欲雪鴈飛急南渚始冰魚伏深誰似
草堂安隱客下帷隱几不求心

雪後同吳達夫慎獻玉登黃鶴樓 丁丑十二月賦

歲律崢嶸臘盡頭風吹朔雪列南州三湖簸蕩鮫鼉恐七
澤迷漫狐兔愁狂客定回青雀舫獵兒初試皂貂裘江樓
伏檻迎新霽群玉峯前練帶流

曹永州哀詞 曹名暉字季明昔相際于永城喪過

武昌歸餘杭卜墓靈隱山諸子來求吾詩為賦此戊

寅二月旦日

老眼春風兩淚傾總惟樽俎異平生可驚人與琴俱絕但
見有晞酒復清相合水邊傳美政飛來峰下啟佳城翻々
五六奇男子肯使高門墜厥聲

登黃鶴樓懷古魚寄潘幽老昆仲 幽老弟大觀字

仲達戊寅五月賦

漢大將軍楚國材半生倦韻浼塵埃徐夫人七首安在丁
令威華表歸來紫府無蹤勞彷彿白雲有待久裴徊樓標
空澗天垠露川勢從橫地紐開隴鳥賦成洲共永越人歌
斷權先回會招物外二三子長嘯披襟挹快哉

寄武昌方令臨李尉援魚東黃岡二潘昆仲方字孝能李字文舉戊寅六月望江夏賦

好在桐江三拜翁謫仙之裔好應同如聞花縣兩郎子興發能來一水東共醉南樓故時月斷無庾令浼人風季真老病不堪酒澤畔微吟懷四儂

二月二日席上賦 乙亥江夏作時推官陳扶將之

荆南法曹萬遺彥身罷官歸鄱陽余亦抱疾此詩偶亡去庚辰十月邂逅同席客復得之因附卷末

仲宣何處向荆州謝惠連須臾少留二日舊傳桃菜節一樽聊解負薪憂向人草樹有佳色帶郭江山皆勝遊載酒賦詩從此始它年耆老話風流

七言絕句二十首

斗峴山馬上 戊辰九月歷陽賦

西來投策倦躋攀晚葉寒華一逕間盡日閑雲不留雨斜陽還照隔江山

登如方山 戊辰十月歷陽賦

楚郊十月尚聞蟬傍道黃華亦可憐特上西山最高處長安應在夕陽邊

渡冷水澗投宿萬歲嶺 戊辰十月歷陽賦

蕭蕭黃葉下清溝白鳥飛來故少留今夜行人短亭宿小窓風雨夢漁舟

重遊寄老菴懷僧芝 戊寅九月望日與僧法芝同

遊芝有詩云淡遊聊得慰孤悶誰問當年寄老心後
月許日復為是遊芝公西上已達京都矣

淡遊已恨失芝公陳躅空留夢境中欲問孤雲何處去庭
前雙樹自西風

寄有捷上人 捷番陽人嘗任杭州安樂山戊辰二

月與吾相際于盱眙留七日稅舟西上己巳三月有

書見寄因以此誌之四月望日烏江作

捷也當年避畏途寄身一葉泛隋渠定須慙愧操舟子千
里平波汝渡吾

曉晴西郊馬上 己巳九月歷陽賦

夜雨蕭蕭徹曉聞不應為我掃塵紛弄鞭十里西郊道但

見青山納白雲

重游梵行院 己巳十月歷陽賦

曉渡南岡五里松精廬未見已聞鐘門前拂地垂楊柳掃
淨秋來過馬蹤

同張漢求宿升中院西寮 己巳十二月烏江賦

僧閣窓扉學畫舡青螢燈火對床眠北風帶雪披簷竹渾
似瀟湘夜泊天

送僧法印志因而遊京師 庚午正月烏江賦

刻雪裁冰物外人強隨肥馬走京塵未應無地栽桃李江
北江南一樣春

重遊鍾山定林寺 辛未正月金陵賦

破水泉脈漱籬根壞衲遥疑掛樹猿蠟屐舊痕尋不見東風先為我開門

題賈氏廢園 辛未二月京師賦

丞相園林半手栽清樽曾為幾人開荒榛野蔓換桃李慙愧春風如故來

東城馬上 壬申二月京師賦

綵虹橋下水關東接吟園林狹逕通繁杏半開隨半落短牆無計礙春風

重送曾誠之兼柬俞澹陳庚 俞字清老陳字敏善

皆維揚故人甲戌三月海陵賦

春風漠漠老江離行矣騷人自持半百幻身如且健石

頭城下兩茅茨

右一

陳顛俞散舊朋遊樽酒相逢定少留哀病故情猶有在春風一夜夢揚州

右二

平野堂重送江茂宗 甲戌三月海陵賦

東風南浦雨瀟瀟欲去行人不自聊誰道垂楊攀折苦過春猶有最長條

追和杜仲觀詠蝶 甲戌四月海陵賦

黃蝶尋花日百回荒庭多雨漫莓苔老狂能似徽之輩借宅猶應乞竹栽

題芭蕉葉

甲戌五月海陵賦

十畝荒池漲綠萍南風不見芰荷生
隔窓賴有芭蕉葉未負瀟湘夜雨聲

留別僧永

乙亥二月盱眙賦

三處分携跨兩年浮雲生計本悠々
江山勝地端相待大有東南未盡緣

折中倉觀朱元章題字

時米容揚州乙亥六月京

師賦

銀鈎入木掩鍾王拂眼清風識楚狂
淮海京塵兩流落與君大是覺身妨

放舟通津門外作

乙亥十月

國門欲去尚遲々况復淒風落照時
猶有京塵全舟尾惱人無幾庾元規

慶湖遺老詩集拾遺

後集補遺

廩伏讀前集序云自己卯歲嗣有所賦別為後集所謂後集以經兵火散失不復得有近搜故藁所遺及於佛祠廟宇題詠洎碑刻鐫勒并士大夫親戚傳誦得其一二皆此集中無者故續書卷尾為後集之補遺廩老矣不復得全其集後之子孫續有得者當綴其末

黃山席上別當塗僚友

自昔有宇宙便應有此山如我與君者幾輩來躋攀聲迹兩磨滅寥々千古間短生一浮鷗妄比金石頑五福人所願九齡神所愷著身名利場寵辱如尋環不見倦飛鳥翻然亦知還酒闌解袂去老矣遂投閑

右見遺藁

九日雨中作

九夏赤旱百井枯三秋積雨釜生魚
凌高徑醉不易圖問底黃葉今有無
願致皎白來庭除昏腫爛卷勤卷舒
管中一班聊自娛未羨北里鳴笙竽
少日用壯膽力麓六釐可取負爾趨
誰謂衰遲百病餘雀鼠入屋不受驅
長缺長缺歸來手泥深沒蹉行無車
咄嗟蠟屐非雙鳧安得翩然過都

右見遺藁

送何安中之官新安錄事

帶郭荒山百匝牢躋攀幾見病援
孫官糧可數纒難助吏事懸知倍
馬曹芸閣有書行且召萱堂湏養
未容高慶湖老子何堪別隱几僧
坊更寂寥

右見遺藁

送時適歸彭城兼寄王會之并張白雲

壯年客宦樂徐州五見黃華戲馬
週無復登山拋舊屐不堪臨水送
歸舟東城公子猶三逕南墅先生
久一邱為話吳門非樂土鱸魚菘
黍漫淹留

右見遺藁

方明古免喪西上山陰賀鑄方回以詩送行非敢贈

言聊書美志

西上遲、誰挽留了君方寸慕松楸。三年既盡亦當起五
斗有餘非所求。早歲向風勞企美。殘生指日願依投。得官
倘近柴桑里。應許江邊著釣舟。

右見遺藁

清明病中

寒食晴暘少。江南此候同。侵晨潑火雨。薄暮駕潮風。目力
書籤上。生涯藥裹中。可憐佳節物。似不繫衰翁。

右見遺藁

題葉翰林道卿手書唐人唱和集後

翰客文房萬卷餘。說翻是蠹書餘。載薰載曝徒為爾。秦

築長城錯備胡

右見遺藁

題項羽廟三首

分張天下付群雄。回首成陽卷地空。六國三秦隨擾攘。錦
衣何暇到江東。

右一

楚都陳迹久灰埃。一曲虞兮尚寄哀。不作偷生渡江計。可
須千里更西來。

右二

三戶睚眦竟破秦。君王武畧世稱神。途窮一夜無遺恨。挈
首殷勤予故人。

右三

錢塘海潮

高岸如陵累石頑一支漲海橫中間九軍雷鼓震玉壘萬里墨雲驅雪山秦政維舟羞膽怯史遷舐筆恨才慳錢郎幾許英雄氣強弩三千擬射還

右見遺藁

吳門秋懷

吳門客鬢再經秋城郭籃舁久倦遊平靜松江三萬頃不應無處著漁舟

右見遺藁

丹陽客舍示曾紆公袞

眼裏鉛華今日見胸中冰炭幾時除欲知老子消懷處靜夜青燈一卷書

右得於西浙漕曾紆公袞

鑄年五十八因病廢得旨休致一絕寄呈姑蘇毗陵諸友

求田問舍向吳津欲著衰殘老病身未拜君恩賜刻曲歸來且醉鑑湖春

鑄六代祖廣平郡王在五代間久從宣祖皇帝遊因納女事太祖皇帝封孝惠皇后賜第在開封隆和里當時宣祖太祖太宗潛在邸中每喜飲臣家酒後來鑄高祖六宅使嘗一日預內宴因有旨索遂進舊酒

并釀法就賜名鑑湖春鑑湖先生酷志嗜書未老掛
冠告歸滿朝榮慕真漢之二疏也以詩卜居於姑蘇
毗陵兩郡親舊和之者皆一時名公柄于先生門下
有姻契亦嘗作兩韻今豫登欲補完後集記錄以呈
豫登倘不棄孤陋許以柄詩附先生集尾使晚生廁
名於其間抑何榮幸也晉陵鄒柄德久詩云清監風
流賀季真先生端是昔人身如何未老催歸去要卧
烟霞兩郡春其它名公和者柄失記

題毘陵僧舍二首

古寺相留跨兩年窮通出處固天然短檠燈火掩書卷屢
聽芭蕉夜雨眠

秋風忽起家山意流落天涯歎憔悴古寺不掛袈裟圖終
南山翁何處至

右得於晉陵孫覲仲益

和題毗陵薦福寺紅梅

一種梅生禪老家屋簷古榦恣歌斜詩人莫訝深紅色可
勝尋常桃杏花

右得於晉陵孫覲仲益再得於僧惟訥云從教
畫作深紅色絕勝尋常桃杏花

吳江送客

送別松陵道輕舟助客擘湖空翦葭茨市隘集魚蝦薄雨
啼殘雪新潮蝕嫩沙鏡中羞杏甍行復見春花

右得屯田郎官范雎伯達

題流香亭

秋色朝來已十分
遠山清瘦露雲根
芙蓉昨夜驚風雨
葉葉流香有淚痕

右得於屯田郎官范雎伯達

王迥子高挽章五首

我昔官房子長懷
忠穆賢里無行馬
第山有卧牛阡當
代三公後維君五
福全桐官遠歸祔
追舊幾潛然

卓爾金閨彥頎然
玉筍班周旋三友
益零落十年間輻
輳靈輻動悠揚素
旒還暮年懷抱愛
應未辨追攀

蕭散竹林風平生
納畧同官班魏叔
夜年輩晉安豐民
詠

濡湏政朝推胸臆
功九原無復作埋
玉恨何窮

南浦維舟訪東堂
抵榻眠後期猶指
日輕別遂終天墨
妙今初貴詩鳴久
已傳清風知未墜
諸子更翩々

已矣知無憾賢愚
共此途白駒馳白
日黃髮掩黃壚和
氏終還趙干將不
葬吳駕疴如可強
猶擬奠生芻

右見王公治行集

約十客同集金山
米芾元章約而不至
坐中分題以元章
未至分韻作詩拈
闍韻應口便作滯
思即罰巨

觥余得章字

九客相逢思楚狂
傳歌罷缺緩行觴
座中那更添嚴令
分韻吟詩招阿章

右得於將作監米友仁元暉

題秦觀少游馮真

淮海多才士徒希馬少游誰容老芸閣自識死藤州狀貌
披圖奕陽春掩卷愁湛郎長鬣爾殊不嗣風流

右廩省記

別王銍性之

吾老無北里子能記南來臨分即間訣薄暮更徘徊晚節
狗微尚方剛患多才此生南與北出處兩悠哉


右廩省記

後集補遺



始予讀公墓誌謂有詩二十卷而所得前集才九卷
竊疑其脫畧以公自序如此且其孫所手抄遂信之
竭來邵陽因命鋟木既而有於公家嘗傳卷之十者
為予校讎果少近體一卷缺古風一首絕句二十首
又得公之子廩豫登補遺二十七篇并程公之序錄
以見寄屬瓜代之日無幾不暇附益改作姑目曰拾
遺而亟刻之以全其集云紹熙癸丑三月五日澄書

右賀方回慶湖遺老集道光癸未仲秋假葉東卿所藏
長白敷槎氏寫本鈔出東武



宋故朝奉郎賀公墓誌銘

信安程俱撰并書

信安毛友題額

公諱鑄字方回其先吳公子慶忌避公子光亂奔衛妻子
散走越、人與之湖澤之田表其族曰慶氏漢避安帝諱
改氏賀至唐有為陽穀令名知止者子方回為十五代祖
其後北徙終止開封 孝惠皇后克配昌陵家世仍以才
武顯曾祖繼能左侍禁祖惟慶東頭供奉官閤門祇候贈
左千牛衛將軍父安世內殿崇班閤門祇候贈右監門衛
大將軍母秦氏贈令人方回幼孤立不群濟良恪公克彰
擇妻以女授右班殿直貧迫于養非其好也監軍器庫門
臨城縣酒稅磁州都作院徐州寶豐監和州管界巡檢辭

所當遷東頭供奉官封其母永年縣太君元祐七年學士
清臣百祿執薦於朝改承事郎請監北嶽廟監鄂州寶泉
監丁母憂服除以宣義郎通判泗州遷宣德郎通判太平
州管句亳州明道宮再遷至奉議郎遂請老以承議郎致
仕時年五十八居二年從臣薦起之以故官管句杭州洞
霄宮遷承議郎賜五品服以后族恩遷朝奉郎明年復致
仕又六年七十四以宣和七年二月甲寅卒於常州之
僧舍夫人趙氏前葬宜興縣清泉鄉東篠嶺之原至是以
九月甲申塋公同穴方回豪爽精悍書無所不讀哆口疎
眉目面鐵色與人語不少降色詞喜面刺人短遇貴執不
肯為從諛然為吏極謹細在筦庫常手自會計其于室罅

漏逆姦欺無遺察治戎器堅利為諸路第一為巡檢日夜
行所部歲裁一再過家盜不得發攝臨城令三日決滯訟
數百邑人駭嘆監兩郡狡吏不得措其私蓋仕無大小不
苟要使人不能欺而用不極其才以老自右選易文階時
薦者皆有大名且當路顧願為嶽祠吏退居海上三年乃
復就筦庫元符靖國間除太府光祿寺主簿辭不赴卒請
補外自去姑孰及告老再仕凡十五年不離宮祠吏觀其
抗彘任氣若無所顧忌者然臨仕進之會常如臨不測淵
覩視不敢前竟疾走不顧其慮患乃如此與蹈汙險微
幸不為明日計者殊科有鑑湖遺老前後集二十卷余為
序尚可考樂府辭五百首它文數十百篇方回姓字聞天

下其詩詞雅麗有古樂府之風讎書至萬卷無一字一畫
訛闕老且病猶捐、不置云二子曰房承節郎監保州酒
稅日廩將仕郎二女皆嫁士族孫男女五人政和間余居
吳方回病要余曰死以銘諉公矣今年春病甚見余毘陵
復理前約且曰平生果於退懼危辱耳今知免矣將葬其
子又以治命來求銘、曰

其進踏踈若將越于谷其退若逝惟危辱是畏依隱
教世、亦莫吾厲平安其所是以無悔

公娶濟良恪公之女公之子提幹君廩復娶良恪
之孫實外姑之親姊故子獲識其子省幹君承祖

者嘗從訪公遺文曰先祖昔寓毘陵中間擾攘凡
所著文編悉為虜酋携去獨巾箱中有別錄慶湖
詩前集在因假傳寫正其字畫訛舛而疑者因之
又從趙氏得公墓刻併書於卷末庶知公之出處
本末云乾道丙戌歲仲夏望日邯鄲冠翼令威父
記

留題左顧亭二首 孔愉放龜之所

餘不平聲亭下棧歸舟訪古懷賢百刻留辨得千金脫元緒
此心端不為封侯


亭際高樅滿百圍不無山鬼此烏依咿啣為話當年事會
見將軍佩印歸


賀公詩詞妙天下幼年每竊聞諸老稱其名章俊語
今詞盛行於世詩則罕見余傳錄此編久矣意俟後
集併為鋟木念未易得恐失因循乃以所積節儀折
色等錢刻置郡齋頃為德清令邑子以公留題左顧
二絕相示嘗揭之亭上今附載於是紹熙壬子七月
朔晉陵胡澄題

宋史文苑傳

賀鑄字方回衛州人喜談當世事可否不少假借人以為
近俠博學強記工語言深婉麗密如次組繡龍長於度曲
掇拾人所棄移少加彙括皆為新奇嘗言吾筆端驅使李
商隱温庭筠常奔命不暇諸公諸貴人多客致之苟所不
欲見終不貶也初娶宗女隸籍在選監太原工作是時江
淮間有米芾以魁岸奇譎知名二人每相遇瞋目抵掌論
辨蜂起終日不能屈諉者傳以為口實元祐中換通直郎
通判泗州又倅太平州竟以尚氣使酒不得美官悒悒不
得志食祠祿退居吳下稍務引遠世故無復軒輊如平日
家藏書萬餘卷手自校讎所為詞章往往傳播人口黃庭

堅自黔中還得其江南梅子之句以為似謝元暉自哀歌
詞名東山樂府嘗自言知章之後且推本其初出王子慶
忌以慶為姓居越所謂鏡湖者本慶湖也避漢安帝清河
王諱改為賀氏慶湖亦轉為鏡故鑄自號慶湖遺老有集
二十卷





國

程